

馮氏錦囊秘錄

馮氏錦囊秘錄雜症痘疹藥性主治合參卷二

松江蒲溪李林韻啟賢氏重校

孫 達惟良

海鹽馮兆張楚瞻雨纂輯

門人王崇志慎初仝較

男 乾貞幹臣

草部

何首烏

稟春深生氣而生味苦澁微溫無毒春為木化入通於血外合於風汗也陽也  
 入足厥陰兼入足少陰經故為益血祛風之藥雖二種遇夜則交有陰陽  
 交合之象故能令人有子肝主血腎主精益二經則精血盛髮者血之餘也故高髯  
 髮其主瘰癧者肝膽氣鬱結則內熱榮氣壅逆發為疔瘡疔瘡者血之毒也故與肝  
 為表裏為少陽之經不可出入氣血俱少乃風木所主行膽氣益肝血則瘰癧自消  
 矣調榮氣則癰腫消治風先治血血活則風散故療頭面風瘡腸澀為痔痔者濕熱  
 下流傷血分而無所施洩則通近肛門肉分迸出成形矣風能勝濕濕熱則痔自  
 平心虛則內熱熱則心搖搖而作痛益血則熱解而痛除益血氣黑髮則悅顏色  
 久服長筋骨益精氣延年不老者皆補肝腎益精血之極功也亦治婦人產後及帶  
 下諸疾者婦人以血為主月事通調厥陰主之帶下本於血虛而兼濕熱行濕益血  
 靡不除矣但為養榮益血之藥忌與天雄烏頭附子仙茅薑桂等諸燥熱藥同用修  
 事以苦竹刀切片米泔浸經宿曝乾九蒸九晒用勿令犯鉄兼與蘿蘆相惡令人髭  
 髮早白

何首烏主瘰癧癰疽頭面風瘡長筋骨悅顏色益血氣止心疼補真陰理益痘久服漆精令人  
 有子消五痔黑髮鬢強精益髓婦人帶下總功能調和血氣久瘡久痢氣血先和諸病用此以  
 建神功肝腎二經之藥甘溫祛風益血收澀又能斂陰年深大者收採精製久服延年今人不  
 老至於外敷尉皮裏作痛可驗活血養血之極功矣不問何處用首烏為末姜汁調成膏塗之以綿裹住足鞋底履之

何首烏傳何首烏味甘氣溫性則無毒茯苓為之使治五痔腰膝之病冷氣心痛積年勞瘦  
痿痺風虛敗劣長筋力益精髓壯氣駐顏黑髮延年婦人惡血痿黃產後諸疾赤白帶下毒  
氣入腹久痢不止其功不可具述一名野苗二名交藤三名夜合四名地精五名首烏本出  
虔州江南諸道皆有之苗葉有光澤者又如桃李葉雄者苗色黃白雌者黃赤根遠不過三  
尺春秋可採日乾去皮為末酒下最良有疾即用茯苓煎湯為使常杵末新甕器盛用偶曰  
服之忌猪肉血無鱗魚觸藥無力其根形大如拳連珠有形如鳥獸山獄之狀者珍也掘得  
去皮生喫得味甘甜可以休糧讚曰神妙勝道者在仙書雌雄相交夜合晝疎服之去穀日  
居月諸返老還少變安病軀有緣者遇勗爾自知明州刺史李遠傳錄何首烏所出順州南  
河縣及韶州潮州思州賀州廣州四會縣潘州者為上邕州桂州廉州春州高州勒州循州  
晉興縣出者次之真仙草也五十年者如拳大號山奴服之一年髭鬚青黑一百年者如碗  
大號山哥服之一年顏色紅悅一百五十年者如盆大號山伯服之一年齒落更生二百年  
如斗栲栳大號山翁服之一年顏如童子行及奔馬三百年者如三斗栲大號山精純陽之  
體久服之成地仙也

主治

合症參

治瘧瘵血不足過期不斂及久痢久癰甚宜

按首烏補陰而不滯不寒強陽而不燥不熱稟中和之性得天地之純氣者也昔有老人何  
姓見藤夜交掘而服之鬚髮盡黑故名首烏後陽事大舉屢生男子改名能嗣則其養陰益

腎可見矣。但熟地首烏。雖俱補陰。然地黃稟仲冬之氣。以生蒸晒至黑。則專入腎。而滋天一之真水矣。其兼補肝者。因滋水而旁及也。首烏稟春氣以生。而為風木之化。入通於肝。為陰中之陽藥。故專入肝經。以為益血祛風之用。其兼補腎者。亦因補肝而旁及也。一為稟精先天真陰之繫。故其功可立散孤陽亢烈之危。一係調補後天榮血之需。以為常服長養精神。却病調元之餌。先天後天之陰不同。奏功之緩急輕重。亦有大異也。况名夜合。復名能嗣。則補血之中。復有補陽之力。豈若地黃專功滋水。氣薄味厚。而為濁中濁者。堅強骨髓之用乎。此張心得之見。乃古哲未為縷析。今人混用補陰。不亦誤甚。

○遠志感天之陽氣。得地之芳烈。而生故味苦辛溫。無毒。春陽草也。常入腎經。復走心脾三經之藥也。米泔浸洗。搥去心甘草濃汁。煮透晒乾用。

遠志能去邪夢。定心神。增氣益智慧。不忘。仍利九竅。亦補中傷。效逆驚悸。並毆強志益精。禁夢遺精滑。欽心固腎。令耳目聰明。治小兒驚癇客忤。婦人血噤失音。功崇補心。下以濟腎。若一切癰疽發背。從七情憂鬱而得者。單煎酒服。具滓外敷。投之皆愈。苦以泄之。辛以散之。之力也。

主治症疹合參痘後心邪不安。用以寧神定志。及被驚者宜之。按遠志入腎。非心藥也。故能強志益精。

精最治善忘。蓋精與志皆腎所藏者。精虛則志衰。不能上通於心。故善忘。靈樞經曰。腎藏精。

精合志。腎盛怒而不止。則傷志。志傷則喜忘。人之善忘者。上氣不足。下氣有餘。腸胃寔而心

虛。虛則榮衛留於下。久之不以時上。故善忘也。苦味中兼辛。故又能下氣而走厥陰。經曰以

辛補之。此水木同源之義也。

石菖蒲 正藥孟夏大陽之氣而合金之辛味以生其味苦辛其氣大溫陽精芳草故無毒

凡使勿用泥菖夏菖如竹根鞭形黑色氣穢味腥不堪宜采石上生者根條嫩黃緊硬節稠一寸有九節者佳銅刀刮去皮節以嫩桑條拌蒸晒乾對用

石菖蒲主手足濕痺可使屈伸貼發背癰疽能消腫毒下氣除煩悶殺蟲愈疥瘡消目翳去頭風閉心口聲音通竅益智慧耳聾耳鳴尿遺尿數腹痛或走者易效胎動欲產者能安鬼擊憎死難魁急灌生汁溫瘧積熱不解宜浴濃湯單味酒煎療血海敗并產後下血不止細末鋪卧治遍身毒及不癢發痛瘡瘍總陽氣開發故外充百骸辛能四達走竅散結為通利心脾二經之要藥也

主治 合參 凡痘疹驚癇神昏譫妄者可用及痘後不着加潰爛成瘡疥者宜入丸用但芳草味辛多散陰血不足心氣不斂者禁之

按芳香利竅能佐地黃天冬之屬資其宣導臻於太和多用獨用終為氣血之缺

石斛 粟土中冲陽之氣兼感春之和氣以生故其味甘平而無毒氣薄味厚陽中陰也人足陽明足少陰亦入手少陰足太陰脾胃心腎四經藥也 宜擇具形長而細其味不苦而甘中堅寔者良酒洗晒乾用勿誤用木斛味大苦餅之損人

石斛却驚定志益精強陰壯筋骨補虛羸健脚膝毆冷痺皮外邪熱胃中虛火厚腸胃輕身長肌肉下氣但氣力淺薄得參者便能奏功專倚之無捷效也

主治 合參 入胃清濕熱故理痺症泄瀉入腎強陰故理精衰骨痛其安神定驚者亦清熱強陰之力兼入心也痘後調理藥中多用總平胃氣之至藥宜形長色黃而細且堅味甘不苦者為

真擇取新者去枝節酒洗蒸過用

○知母禀天地至陰之氣故味苦微甘氣寒而無毒入手太陰足少陰經○入清熱藥用宜生入滋腎藥用宜鹽酒拌炒

知母補腎水瀉無根火邪消浮腫為利小便佐使初痢臍下痛者能却久瘧煩熱甚者堪除治

有汗骨蒸熱癆療往來傳屍瘧病潤燥解渴止效消痰上清肺金而瀉火下潤腎燥而滋陰為

三經氣分藥久服不宜令人作瀉

主治痘疹治痘陰火上潮諸熱不退口渴好飲冷水瀉氣分中之火然疹家多用治痘惟宜於

痘後養陰退陽

按知母瀉腎經有餘之火惟狂陽亢甚者宜之若腎虛而瀉之則愈虛而虛火愈甚况寒能

傷胃潤能滑腸其害人也隱而深譬諸小人陰柔巽順深受其禍莫覺其非也

○菊花生於春長於夏秀於秋資乎土得天地之清獨稟金精專制風木味苦甘兼辛氣平無毒○凡採須陰乾若入補養藥去心蒂蜜酒拌蒸晒乾用若入去風熱劑中生用

菊花毆頭風止痛眩暈清頭腦第一養眼血收眼淚翳膜明眼目無雙散風淫濕瘳除皮膚

死肌利一身血氣逐四肢遊風療腰痛去來退胸中煩熱歷春夏秋三時得天地之清芳稟金

精之正氣故能平肝生水降火明目也且氣性輕揚故主用多在上部同枸杞便能助腎矣以

單辨味甘者入藥黃者入陰分白者入陽分可藥可餌可釀可枕本經列之上品葉救垂死

疔腫即活

主治痘疹治痘熱毒入眼專能明目去翳膜同歸地又能補眼血涼血矣其青葉治諸疔危急者用之即愈以葉搗

爛入酒統汁飲之其渣數於毒上神效

〇〇〇免絲子

稟春末夏初之氣以生凝乎地之冲氣以成感秋之氣而寔故味辛甘平無毒為脾腎肝三經氣分要藥〇宜揀去雜子酒淨去土晒乾炒燥另磨細末即入藥餌勿使出氣功力大見若照古法酒浸數日煮搗成餅則酸臭不堪甚失冲和馨香之味故多無效况生成内含細絲非酒浸成絲者古人因難於磨細故設法成餅莫若多料另磨則氣味得矣

免絲子益氣強力補髓添精虛寒膝冷腰疼鬼交夢遺精滑肥健肌膚堅強筋骨續絕傷強陰莖溺有餘瀝寒精自出五勞七傷口苦燥渴稟中和之性假氣而成溫而不燥不助相火誠補腎中元陽之聖藥也但腎家多火強陽不痿者大便燥結者宜忌之

主治痘疹合參治痘瘡瘻塌虛寒腰痛膝冷明目稀痘

按免絲子稟中和之性凝正陽之氣無根假氣以成形故能續補先天元氣宗氣專治腎臟敗傷寒精自出溺有餘瀝溫而不燥補而不滯又能補土之母故進食止瀉並效稀痘丹用之亦培補先天不足之義也然單服偏補人銜氣故古人同熟地名雙補丸同元參名玄免丹即此意也

〇〇五味子

得地之陰兼乎天之陽氣故味酸微苦鹹氣溫味兼五而無毒陰中微陽人足少陰手太陰血分足少陰氣分為攝氣歸元強陰益精之要藥〇每箇銅刀切作兩

片蜜酒拌蒸晒乾焙用

五味子補虛損勞傷收腫神散大味酸而斂肺氣耗散之金性補而滋腎經不足之水生津止渴益氣強陰瀉精定喘飲汗固陽補虛明目除煩熱而補元陽解酒毒而壯筋骨同乾薑煎治

冬月咳嗽肺寒神效。同黃耆人參麥冬黃栢治夏季神力困乏殊功。或熱嗽而火氣太盛者不可驟用寒涼。必資此酸斂。然不宜多用。反致閉遏。誠納氣歸元。收肺保腎之要藥也。

主治合症疹欬肺氣生津止渴除咳嗽。酸熱滋陰。然味酸而收斂。痘中不宜。惟痘後毒盡可用。至於火盛未清之咳嗽。用此斂遏亦非所宜。

按五味子肉酸有餘而甘不足。故中苦辛而鹹。古人製法擊碎拌以蜜酒蒸之。正補其甘之不足。而少解其酸斂之峻驟也。潔古云夏服五味使人精神頓加。兩足筋力湧出。蓋取五味酸輔人參能瀉丙火而補庚金。收斂耗散之氣也。東垣云收腫神散大乃火熱。必用之藥。有外邪者不可驟用。丹溪云收肺補腎乃火嗽必用之藥。寇氏謂其食之多虛熱者。蓋以其收補之驟也。若風邪在表痧疹初形。一切停飲肺有寔熱者皆當禁絕。

地膚子 味苦寒無毒入脾經

地膚子專利水道去膀胱熱。浴身卻皮膚瘙癢熱疹洗眼除熱。音雀盲濕疹

主治合症疹主膀胱熱利小便。去皮膚中熱兼解痘毒。

按地膚子氣味苦寒得太陽寒水氣化太陽之氣上及九天下徹九泉外彌膚勝故能上治頭而聰耳明目下入膀胱而利水去疝外去皮膚熱氣而今潤澤也。

續斷得土金之氣兼稟乎天之陽氣以生味苦甘辛微溫無毒入血崩金瘡藥宜生用同熟地滋補藥宜酒炒用

續斷使熟地續筋骨主傷中補不足調血脉專療跌撲折傷消腫毒生肌肉善理金瘡癰毒能



止痛生肌乳癰瘰癧殊功腸風痔漏立效縮小便顯數固精滑夢遺煖子宮使妊孕堪久服氣力增胎產崩帶補勞續傷之要藥崩中漏血之必需血痢腰痛關節緩急血分傷損諸疴

主治症疹合參功效同前宜節節斷皮黃皴而折之有烟塵者佳宜酒浸晒乾用入厥陰以養肝入

少陰以溫腎入太陰以養血活血養血而兼滋陰補氣補而不滯行而不泄若能堅腎辛能開

腎溫能行滯誠佐助滋補氣血之要藥

○肉豆蔻稟火土金之氣枚味辛氣溫而無毒入足太陰陽明經亦入手陽明大腸辛能散熱積滯方盛滯下初起火熱暴注泄瀉者禁用○宜雙裏火恨稿去油用

熱積滯方盛滯下初起火熱暴注泄瀉者禁用○宜雙裏火恨稿去油用

肉豆蔻溫脾胃虛冷心腹脹痛宿食不消滑瀉冷痢尤為要藥夫土性喜煖愛香故肉果與脾

胃最為相宜

主治症疹合參治痘脾寒泄瀉吐逆咬牙寒戰之要藥溫中開胃消食下氣言下氣者以脾得補而

善運化氣自下也但瀉痢初起者及有火者不可早服

○白豆蔻感秋燥之令得地之火金味大辛氣大溫無毒味薄氣厚輕清而升陽也浮也

白豆蔻入手太陰肺別有清高之氣散胸中冷滯益膈上元陽溫脾土卻疼退目雲去障止翻

胃嘔消食積膨若火升作嘔因熱腹痛肺火痰嗽者忌服

○草豆蔻得地二之火氣而有金復兼感乎夏末秋初之令以生故大辛熱無毒陽也浮也

草豆蔻行經惟脾胃去膈下寒止霍亂吐逆肢臍上痛逐客忤邪傷酒毒尤消口臭即解破滯

散鬱消食化痰祛寒燥濕久服過服耗陰傷肺有血症而陰不足者切戒

〇〇香附子一名莎草根稟天地溫燥之氣兼得乎土全之味故味苦甘辛微溫無毒入足厥陰氣分亦入手太陽經氣厚於味陽中之陰降也血中之氣藥能行十二經八

味氣分入涼血藥宜童使浸透炒黑入行血氣藥宜酒浸透炒入調飲氣血藥宜醋浸炒黑入消食去滯藥不製炒黃搗碎

香附子快氣開鬱逐瘀調經霍亂吐逆疏肝運脾宿食可消洩瀉能固便製調血熱經瘀炒黑禁崩漏下血婦人血氣方中所常用者也開鬱散滯則有功精血枯閉所當忌若月事先期血虛內熱者禁用時珍曰生則上行胸膈外達皮膚熟則下走肝腎外徹腰足炒黑則止血童便浸炒則入血分而補虛鹽水浸炒則入血分而潤燥青鹽炒則補腎氣酒浸炒則行經絡醋浸炒則消積聚薑汁炒則化痰飲得參朮則補氣得歸地則補血得木香則疏滯和中得檀香則理氣醒脾得沉香則升降諸氣得川芎蒼朮則總解諸鬱得梔子黃連則能降火熱得茯神則交濟心腎得回香破故紙則引氣歸元得三稜蓬茂則消磨積塊得厚朴半夏則決壅消脹得得紫蘇葱白則解散邪氣得艾葉則煖子宮乃氣病之總司而俗有耗氣之說宜於女人而不宜於男子者非也

主治瘧疾合參開鬱行滯氣消食助胃調經兼能逐去凝血炒黑又能止血能引血藥至氣分而生血凡血氣藥中所必用婦人之要藥也但性燥而香味辛而苦獨用久用甚能動火耗血不可不知

按香附子女科仗為主藥者以婦人多鬱多滯耳然味辛性燥多服久服必損氣血若調經

藥中用之。必童便浸炒少差。更兼歸地方無慮也。

○縮砂仁稟天地陽和之氣以生味辛氣溫無毒入足太陰陽明少陰厥陰亦入手太陰陽

結氣

縮砂仁辛溫香竈補肺益腎和胃醒脾快氣調中通行結滯除霍亂惡心却腹痛安胎溫脾胃下氣消食治冷瀉赤白及休息痢上氣奔豚鬼疰邪疰轉筋吐瀉胃氣壅滯丹田虛寒能溫脾胃困乏能醒然未免香燥走竈孕婦氣虛者多服反致難產不可不知若肺熱咳嗽氣虛腫滿火熱腹痛血熱胎動皆宜禁用

主治痘疹去殼炒研用若治孕婦安胎者宜帶殼炒研凡痘腹中虛寒作痛并脾胃氣結滯不

散作悶不思飲食虛冷瀉痢嘔吐消食健胃安胎皆所必用但氣味香燥不利於灌膿之時及咳嗽喉痛音啞之症均宜切忌倘不得已投於陰虛有火之人宜鹽湯浸炒用之

○霍香稟清和芬烈之氣味辛氣溫無毒氣厚味薄淨而升陽也入手足太陰亦入足陽明經故治風水盡腫惡氣內侵霍亂腹痛溫中快氣之要藥

霍香揀去枝梗入劑專調脾肺二經理霍亂止嘔吐開胃口進飲食治口臭難聞消風水延腫以馨香之正氣能辟諸邪以性味之辛溫通療諸嘔但腎熱胃弱作嘔者非其所宜若受寒受穢腹痛者寔為要藥

主治痘疹開胃溫中進食止嘔吐去惡寒

按楞嚴經謂之兜婁婆香稟清和芳烈之氣為脾肺達氣要藥若陰虛火旺胃熱作嘔者戒

之

○龍膽草 稟天地純陰之氣以生故其味苦澁大寒無毒足厥陰足少陰足陽明三經藥也 ○銅刀切去蘆酒洗曬乾或用甘草汁浸一宿曬乾用

龍膽草止洩痢去腸中小蟲卻驚癩益肝膽二氣胃中伏熱及時行溫熱能除下焦濕腫併酒

疸黃腫堪退療容忤疳氣治癰腫口瘡敵驚癩殺蠱毒酒浸為柴胡輔佐上行治眼目赤疼翳

肉必加翳障通用空腹餌之令溺不禁

主治 痘疹 專治痘疹目赤腫痛肝膽胃中寔熱宜酒洗曬乾用虛人泄瀉並忌

按龍膽草大苦大寒譬之嚴冬黯淡慘肅萬卉凋殘先哲謂苦寒伐標宜暫不宜久如聖世

不廢刑罰所以佐德義之無窮苟非氣壯寔熱者率爾輕投其敗也必矣

茵陳蒿 感天地苦寒之味兼得春之生氣以生者也其味苦平微寒無毒

茵陳蒿專治黃疸須分陽黃陰黃陽黃熱多有濕有燥濕則佐以枝子大黃燥則佐以枝子橘

皮陰黃止屬寒多須附子共劑總行滯氣解煩熱化痰利濕之要藥入陽明太陰去濕除熱散

結利水之神劑也過用損傷元氣

主治 痘疹 擇陳久者佳主去濕除熱散結利水化痰行滯凡夏月瘡疹熱甚小便不利者宜用

如痘子瘙癢可為薰藥亦以其能去濕熱也

○茵草 稟土與水之氣兼得天令少陽之氣以生故味苦寒微酸鹹無毒入足厥陰手足少陰行血涼血之要藥也

茵草療中多蠱毒吐下血如爛肝治跌久損傷凝積血成瘀塊虛熱崩漏不止勞傷吐衄時來

馬氏帛書必錄 卷二 藥性 龍胆草 茵陳蒿 茵草 欒金 千頃堂書局

女子經滯不行。婦人產後血暈。凡諸血症。並建奇功。除乳結為癰。腫體黃成疸。若雖見血證。而泄瀉少食者。忌服。蓋苦寒能傷胃也。

主治合瘵治痘乾陷。和酒常常飲之。蓋能涼血行血。故也。虛寒者禁之。

鬱金稟天令清涼之氣。兼得土中金火之味。故其味辛苦。其氣寒而無毒。氣味俱薄。陰也。降也。入酒亦能升。辛能散。苦能洩。故善降逆。氣入心。肝胃三經。治鬱結。血凝氣滯。體光明。絕微苦。中帶甘味者。

鬱金味苦氣寒。服之涼心經。而下氣用之。消陽毒。以生肌。禁小便。尿血除尿管。血淋。血氣作痛。破瘀積。惡血止。吐血上升。仍散積血歸經。因性輕揚。專治鬱遏。殊效。但凡真陰虛極。火炎薄血妄行。而非氣分拂逆。肝氣不平。以致吐血者。不可用也。

主治瘵瘵功效同前。古方用以發痘疹。陷伏之症。大抵因瘀血鬱滯者。可用。鬱金入心。常行血。病薑黃入脾。兼治血中之氣。蓬朮入肝。治氣中之血。三稜入肝。治血中之氣。然痘瘡始終全賴氣血。凡如此品。傷氣及血者。皆所禁用。

按鬱金能開肺金之鬱。故名鬱金。性本峻厲。况肆中常以薑黃代之。攻削峻驟。徒有過而無功。虛人尤宜慎之。

鬱金七兩同明礬三兩為細末。薄米糊為丸。梧子大。每服五十丸。白湯下。昔人曾治婦人。所狂十年不愈。初服此藥。心胃間有物。脫去。即神氣洒然。再服而蘇。此驚憂瘵血。總聚心竅。所致。此藥入心。去惡血。明礬化頑痰。故也。又范石湖文集云。嶺南有平生之害。其術於飲食中行。厥勝法。致魚肉能反生於人腹中。而死則陰役其家。初得覺胸腹痛。次日刺人十日。則生在腹中也。凡胸膈痛。即用升麻。或膽礬吐之。若膈下痛急。以米湯調鬱金末二錢。服即瀉。出惡物。或合升麻鬱金。服之不吐。則下。李巽巖侍郎為雷州推官。鞠獄得此方法。人甚多。

大小蘗同稟土之冲氣兼得天之春陽之氣故味甘氣溫一云微寒無毒所稟既

大小蘗又名千針草氣味甘溫養精保血吐血唾咯立除沃漏崩中即止又能破血消腫去蚘

蠍咬毒平煖痛重疽並搗爛絞膿汁半甌攪童便或醇酒飲下但小蘗力微只可退熱涼血不

似大蘗能補養下氣也且僅理血疾不治外科若脾胃虛弱泄瀉不思飲食及血氣虛寒者用

主治合症疹止吐衄下血及婦人痘疹經血妄行者最宜

○大黃稟地之陰氣獨厚得乎天之寒氣亦深故味至苦氣大寒而無毒入足陽明太陰厥

飲宿食清痰實結熱性直走而不守瀉諸寔熱不通而心腹脹滿大便燥結號為將軍以其峻

快也然熱在血分者有形之邪可下之熱在氣分者無形之邪不可攻之反傷元氣

主治合症疹功用同前治痘初起熱毒壅盛用以瀉諸寔熱大腸燥結小便不通腹脹煩燥人大

壯寔血熱毒盛者宜之然大傷脾胃不可妄用欲下行者宜生邪氣在上者酒浸用之

○穀精草得金氣而生故味辛微溫無毒田中收穀後有之田依而穀為水腐得穀之餘氣

結成此草亦得天地之和氣者與芩入足厥陰經又入足陽明經補肝氣治目疾

之要藥也辛能散結溫能通達故治風火齒痛喉痺血熱痛痒瘡瘍更所效者入肝而

補益肝氣故治目翳隱溢多淚不開雀盲至晚不見小兒疳疾傷目痘後一切星障並

效 臻神

穀精草治眼目翳膜一切星障隱溢多淚不開雀盲至晚不見諸疳傷眼猪肝散以此為君痘

癰入目。免莫丸中必用風火發為齒痛喉痺亦堪主治。

主治合參主明目。去膚翳星障尤要有用免莫者以兔善食此草耳如未出草時免莫不可用也。

也。

射干即紫蝴蝶花根稟金氣而兼火金火相搏則苦辛微寒而有毒入手少陽少陰厥陰

勞而發為便毒及老血在心脾悶欬吐言語氣臭散胸中熱氣療喉痺咽疼

射干散熱消痰逐瘀去濕止喉痺刺疼消結核硬腫治瘧母利積痰為咽瘡喉痛之要藥能瀉

寔火故多功於上焦不能益陰故久服令人虛也

主治合參治痘疹喉痺咽痛不得消息痘後結核散結消腫用之宜法梗切片以甘草水浸晒

乾用

葶藶子稟陰金之氣以生故其味辛若大寒無毒氣薄味厚陽中陰也為手太陰經正藥亦入手陽明足太陽經辛能散苦能泄太寒沈陰能下行逐水去結有瀉無補之

藥虛人忌之

葶藶子行氣走泄消浮腫痰喘及咳膀胱留熱凡腫壅上氣瘦飲喘促大降氣病通利水道之

要藥虛者遠之以性甚急而善逐水殊動真氣也

主治合參惟疹子痰咳不止宜之擇味甜者下泄之性緩雖泄肺而不傷胃耳以酒淘淨晒乾

紙上微炒研入丸用痘中不宜

○山豆根得土之冲氣兼感冬寒之令以生故其味甘苦氣寒無毒甘能化毒寒能除熱蓋凡毒必熱必辛一得清寒甘苦之味則諸毒自解猶人感德與物無競即陰毒伎

害遇之不起矣故為解毒清熱之上藥若病人虛寒者勿服

山豆根咽喉腫痛要藥兼解諸毒消瘡腫解痘毒五般急黃諸蟲蠱毒

主治合參善解痘毒止痛消一切瘡腫而痘後咽喉腫痛者尤宜若食少泄瀉虛火上炎而咽

喉腫痛者忌服

○大戟稟天地陰毒之氣以生故味苦辛大寒有小毒苦寒故善下走而入腎肝辛則橫走無所不到故主逐蠱毒十二水墮胎破癥之藥然陰寒善走而下洩瀉肺損真虛人

忌切

大戟凡入藥惟採正根傍附誤煎冷瀉難禁反甘草海藻芫花每同甘遂以利小便消水腫腹

滿急疼除中風皮膚燥痛毆蠱毒破癥堅通月信墜胎散頸瘰逐瘵則其苗名為澤漆亦治浮

腫利水總稟陰毒之氣善行而洩以損真氣者也

主治合參行十二水伐腎邪惟痘瘡黑陷歸腎大小便不通腹脹煩燥者宜此以瀉膀胱之邪

非此不可妄用宜去蘆泔水浸洗晒乾用

○淫羊藿又名仙靈脾又名桑枝草本得金土之氣而上感天之陽氣故其味辛甘其氣溫而無毒入手厥陰為補命門之要藥亦入足少陰厥陰辛以潤腎甘溫益陽氣故

主陰痿絕陽

淫羊藿強筋骨補腰膝治男子絕陽不興女子絕陰不產然云丈夫久服令人無子者恐陽旺

多慾陰精耗散

主治合參治痘絕陽不起

藥性 大戟 淫羊藿 牽牛子 苦參

千頃堂書局



○牽牛子

感南方熱火之化以生故味辛熱有毒其主下氣逐水利大小便脚滿水腫追虫  
病不可輕用以使氣血俱損况非神農藥也乃  
各醫綱注所出後賢垂戒諄諄多服脫人元氣

牽牛子治水氣在肺喘滿腫脹下焦鬱遏腰背脹重及大腸風秘氣秘利大小便脚滿水腫

癰毒濕熱以氣藥引之則入氣以血藥引之則入血大瀉元氣凡不脹滿不大便秘者勿輕

用之其味辛而熱感南方火化所生入手太陰肺手陽明大腸足陽明胃專瀉下焦氣分之濕

熱

主治症疹取黑者炒過研頭末入丸藥用凡黑陷痘疹二便不通煩燥甚者宜之非此不可妄

用

○苦參稟天地陰寒之氣而生其味正苦其氣寒而沉  
純陰無毒故為燥濕除熱殺虫疥癩之要藥

苦參除熱祛濕利水固齒腸風下血及熱刺刮痛難當温病狂言致心躁結胸垂死赤癩眉脫

者。鼓風有功黃疸遺溺者逐水立效掃遍身癢癩止卒暴心痛除癰疽疥蟲破癥瘕結氣養肝

氣明目止淚益腎精解渴生津利九竅通二便然大苦寒肅殺之藥治濕熱疥癩則可若以滋

補為害不鮮矣不唯損胃抑且寒精肝腎虛寒者尤宜忌之

主治症疹去皮切細酒浸蒸二次陰乾痘瘡癢癢潰爛如癩毒盛人壯者以此作丸服之喉咽

痛甚者生研細末用

○防已得土中陽氣兼感平秋之燥氣以生故味辛苦性寒無毒為下部血分去濕熱實症  
之要藥若飲食勞倦陰虛內熱胃虛腎虛胎前產後熱在上焦氣分切勿用此陰小

險健之藥  
以為亂階

防已。漢者主水氣名載君行。木者理風邪。職使使列故去腰已下至足濕熱腫痛脚氣及利大小二便退膀胱積熱消攤散腫則非漢不能成功。若療肺氣喘嗽隔間支滿併除中風攣急風寒濕瘧熱邪此又全仗水者總通十二經散濕熱仙藥也。然苦辛大寒猶人險而健者也可以治有餘不可以治不足。若虛症必須佐以參苓二朮為當耳。

主治 合症 疹痘疹陷伏。因於濕熱者可酒洗浸晒乾用。

○馬兜鈴 稟冬氣而生故味苦辛氣寒無毒入手太陰經苦善下洩辛則善散寒能除熱其性輕揚厥狀類肺故能入肺除熱而使氣下降則喘嗽之症自平且肺與大腸為表裏臟熱既清腑熱亦解所以痔瘻蠱瘡俱治矣

馬兜鈴燒烟薰痔瘻蠱瘡煎飲劫痰結喘促去肺熱止欬清肺氣補虛。根名青木香亦為散氣藥故疝家必需。船蛇蠱毒更效。

主治 合症 疹功効同前去殼膜只取內子炒用。因體性輕浮故功在至高之臟若肺虛挾寒者不宜多用。

○蒲黃 得地之陰氣兼得金之辛味故味甘辛平微寒無毒入肝經血分○破瘀行血涼血宜生用如欲止血止崩宜炒黑用

蒲黃炒黑用。止吐血下血補血損虛勞生用。破瘀血停積療腫毒疼痛消瘀積塊。血熱妄行調女人月候不勻。產婦兜枕作痛。療跌撲折損。理風腫癰瘡兼利小便。諸血症宜。不論吐血腸風更治血尿血痢。然外因從標之血症可建奇功。若內傷不足之吐血難以取效也。

主治 合參 功効同前。症中夾血症者暫用之。

○ 大茴香 得土金之冲氣兼稟乎天之陽氣故味辛甘性溫無毒入心腎二臟及胃小腸膀胱祛寒散結之要藥而為霍亂諸症之必需

大茴香入心腎二藏及小腸膀胱主腎勞疝氣小腸吊氣攣疼理乾濕脚氣膀胱冷氣腫痛開胃止嘔下食為諸痿霍亂捷方補命門不足要藥 小茴香亦治疝散疼每同煎取效

主治 合參 主開胃下食止嘔吐調中療惡毒腫毒然肺胃有熱及熱毒盛者禁用

按茴香辛香宜胃溫煖宜腎主治不越二經若火症而陽事數舉者禁用八角者名大茴香

小如粟米者力薄

○ 威靈仙 感春夏之氣故味苦氣溫無毒升也陽也入足太陽經為風藥之宜導性一而燥善走不守者也且苦溫能去寒濕故腹內冷滯癥瘕腰膝腿脚冷痛並堪祛治

威靈仙消膈中久積痰涎神功頓奏除腹內疝癖氣塊其效堪誇膀胱宿膿心膈痰水脚氣入腹脹悶喘急腎臟風濕腰膝沉重風痺濕痺並堪主治散爪甲皮膚風中癢痛利腰臍膝胛濕滲冷疼蓋性好走亦可橫行辛能散邪故主諸風醜能泄水故主諸濕能通行十二經為諸風濕冷痛要藥也

主治 合參 通十二經脉宜行五臟治痘後兩手腫痛用此能引諸藥橫行手臂氣虛者不宜多服

按靈仙內驅痰濕之冷積外治骨膜之痛風走達經絡遍而且速風藥中之善走者也威喻其猛靈喻其效仙喻其神也氣壯者服之神效虛弱者當以調補藥兼之否則走氣耗血

補骨脂 粟火土之氣兼得乎天令之陽也黑又兼水德之化味辛氣大溫無毒陽中微陰

以高治脾腎虛寒作瀉腎冷  
精留遺尿陽衰勞傷諸症也

補骨脂治男子勞傷瘵婦人血氣腰膝酸疼神效。骨髓傷敗殊功。除囊熱而縮小便。固精滑以

興陽道却諸風濕痺。去四肢冷疼。煖丹田。止腎瀉。再加杜仲青鹽。即名青娥丸。總脾腎二經之

要藥。壯火補土之靈丹。若水虧火旺者。非其所宜。妊婦禁用。以其大溫而辛。火能消物墮胎耳。

和劑方補骨脂丸。治下元虛敗。脚手沉重。夜多盜汗。縱慾所致。此藥壯筋骨。益元氣。補骨脂

四兩。炒香。充絲子四兩。酒蒸。胡桃肉一兩。去皮。沉香一錢。牛煉蜜丸。如梧子大。每服二

三十九。南番人鹽湯溫酒。任下。自夏至起。冬至皮。沉一服。此乃唐宣宗時。張壽太尉。知廣州。得

方。於南番人。有詩云。三年持節向邊隅。人信方知藥力殊。奪得春光來在手。青娥休笑白髭鬚。

鬚。○夏子益奇疾。方治玉莖不痿。精滑無歇。時時如針刺。控之則脫。此名腎漏。用破故紙。並

子各一兩。為末。每用三錢。水二盞。煎六分。服日三次。愈則止。○唐鄭相國叙云。予為南海節

度。年七十五。粵地卑濕。傷於內外。眾疾俱作。陽氣衰絕。服乳石補藥百端。不應。有訶陵國。舶

主李摩訶。稽首固請。遂服此方。并藥子初疑。而未服。摩訶稽首固請。遂服之。經八日。而常

應驗。自爾常服。其功神效。十年二月。罷歸京錄。方傳之用。破故紙。十兩。淨去皮。洗過。曝乾

酒浸。蒸再曝。搗節。令細。胡桃。甄二十兩。湯浸。去皮。細研。如泥。更以好蜜。和令如飴。糖窰。器盛

之。旦日。以煖酒。二合。調藥。十匙。服之。便以飯壓。如不飲。酒人。以煖熱水。調之。餌久。則延年。益

氣。悅心。明目。補漆。骨髓。但禁芸。薑。羊肉。餘無所忌。此物。本自外番。隨海。舶而來。非中華。所有

番人。呼為。補骨。脂。訛傳。為。破故。紙。非也。按。破故。紙。屬。火。收。斂。神。明。能。使。心。包。之。火。與。命。門。之

火。相通。故。元。氣。堅。固。骨。髓。充。實。瀦。以。治。脫。也。胡。桃。屬。木。潤。燥。養。血。血。屬。陰。惡。燥。故。油。以。潤。之

佐。破。故。紙。無。胡。桃。摘。水。母。之。無。蝦。也。

破。故。紙。無。胡。桃。摘。水。母。之。無。蝦。也。

按。補。骨。脂。色。黑。稟。北。方。之。正。味。辛。煖。水。藏。之。陽。故。能。達。命。門。興。陽。事。固。精。氣。理。腰。疼。止。腎。泄

壯。土。益。火。之。要。劑。但。性。過。於。燥。陰。火。虛。動。大。便。秘。結。者。戒。之。

○。黃。精。得。土。之。冲。氣。稟。乎。季。春。之。令。故。味。甘。平。氣。和。無。毒。其。色。正。黃

○。黃。精。得。土。之。冲。氣。稟。乎。季。春。之。令。故。味。甘。平。氣。和。無。毒。其。色。正。黃

○。黃。精。得。土。之。冲。氣。稟。乎。季。春。之。令。故。味。甘。平。氣。和。無。毒。其。色。正。黃

○。黃。精。得。土。之。冲。氣。稟。乎。季。春。之。令。故。味。甘。平。氣。和。無。毒。其。色。正。黃

○。黃。精。得。土。之。冲。氣。稟。乎。季。春。之。令。故。味。甘。平。氣。和。無。毒。其。色。正。黃

○。黃。精。得。土。之。冲。氣。稟。乎。季。春。之。令。故。味。甘。平。氣。和。無。毒。其。色。正。黃

○。黃。精。得。土。之。冲。氣。稟。乎。季。春。之。令。故。味。甘。平。氣。和。無。毒。其。色。正。黃

○。黃。精。得。土。之。冲。氣。稟。乎。季。春。之。令。故。味。甘。平。氣。和。無。毒。其。色。正。黃

藥性 補骨脂 黃精 肉從蓉 鎖陽 千頃堂書局

黃精安五臟六腑。補五勞七傷。除風濕。壯元陽。健脾胃。潤心肺。旋服年久。方獲奇功。耐老不饑。輕身延壽。小兒羸瘦。多啖彌佳。黃帝曰。太陽之草。名黃精。餌之可以長生。味甘而厚。氣薄而平。能益脾陰。填精髓也。

○肉蓯蓉

得地之陰。氣天之陽。氣以生。故味甘酸鹹微溫。無毒。入腎入心。包絡命門。滋腎補精。血之要藥。氣本微溫。相傳以為熱者誤也。○擇軟而肥厚。大如臂者。良。酒洗去膜。甲及中心。火焙乾用。

肉蓯蓉治男子絕陽不興。洩精尿血遺瀝。療女人絕陰不產。血崩帶下。陰疼助相火。補益勞傷。煖腰膝。堅強筋骨。雖能峻補精血。驟用反動大便。丹溪云。蓯蓉屬土。有水與火入腎。而補精血。能益水中之火。滋腎補精之首藥。須大至。劬許不腐者佳。溫而不熱。補而不驟。故有蓯蓉之名。但腸滑泄瀉。并腎中有熱。強陽易興。而精不固者。忌之。均以其性滑潤耳。

○鎖陽

味甘。鹹性溫。無毒。入腎經。

鎖陽強陰補精。壯陽潤腸。養筋壯骨。輟耕錄云。蛟龍遺精入地。久之則發起如筍。上豐下儉。絕類。男陽功與蓯蓉相近。禁忌亦同。

○五加皮

在天得少。陽之氣為五。車星之精在地。得火。金之味。故其味辛微苦微溫。無毒。入足少陰厥陰經。所主風寒濕邪。及二經所受之病也。五臟既寒。則筋骨自堅。精氣

日益而中自補也。輕身耐老。皆補肝腎之功。與昔人云。寧得一斤地榆。安用明月寶珠。又昔魯定公。母單服五加酒。以致不死。又東華真人。車寧得一斤地榆。安用明月寶珠。又昔魯定公。母單服五加酒。以致不死。又東華真人。煮石法。用玉鼓金鹽五鼓地榆也。金鹽玉加也。世為仙經所須。其能輕身耐老。又可知矣。

五加皮逐多年瘀血。在皮筋中。啟常痛風痺纏脾。膝裏風弱。五緩痿。腰脊疼痛。虛凝。心腹疝。

氣腹痛。風寒濕邪。並祛。小兒骨軟。行遲。下部惡瘡。膿癩。堅筋骨。健步。強志。益精。去女人陰痿。難當。抹男子陽痿。不舉。小便遺瀝。可止。陰蝕。疽瘡。能除。輕身延年。長生不老。真仙經藥也。採葉。當疏食。散風癰於一身。根莖煎酒。嘗卻風痺於四末。肝腎筋骨之要藥。辛順氣而化痰。苦堅骨。而益精。溫祛風而勝濕。逐皮膚之瘀血。療筋骨之拘攣。莖青節白。花赤皮黃。根黑。上應五車星。之精。故曰寧得一。把五加。不用金玉滿車。然肝腎真陰不足者。必兼滋補味藥用之。

巴戟木稟土得真陽之精氣兼得天之陽和陽主發散散則橫行是當

巴戟天。禁夢遺。精滑。虛損。勞傷。頭面遊風。反大風。浸淫。血癩。主陰痿不起。及小腹牽引絞疼。安五臟。健骨。強筋。定心。氣。利水。消腫。益精。增志。惟利男人。溫補腎臟。虛寒之要藥。惟相火熾者勿

用。

益母草稟地中陽氣以生感天春夏之氣而成味辛苦微寒微溫無毒入手足厥陰經補而能行辛散而兼潤者也。午月五日收採陰乾如入行瘀去滯藥內宜生用如

入調補安胎藥中宜蜜酒拌蒸晒乾焙用

益母草一名茺蔚。補而能行。辛而能潤。總調胎產諸症。去死胎。安生胎。行瘀血。生新血。主欲產胎滯而不行。療新產血滯而不利。行血活血而不傷。已產未產之良劑。通為治血之需。更有調氣之意。治小兒疳痢。敷疔腫乳癰。汁滴耳中。又治疔耳。醋調細末。堪敷馬啗。制硫黃。解蛇毒。多服消腫下水。久服益精輕身。子味相同。亦理胎產。善除目翳。易去心痛。但茺蔚雖謂有活血行氣補陰之功。然用其通利之性。則可求其補益之功。尚未也。况既有行血除水通利之力。則

蓋母不蓋子之義已寓於中兼歸芍地黃則無損矣凡崩漏腫神散大者禁用

李時珍曰蓋母根莖花葉實皆可用若治血分風熱明自調經用子為良若胎產瘡腫消水行血則可並用蓋根莖花葉皆於行子則行中有補也

○紫苑感春夏之氣化兼得地中之金性故味苦辛溫無毒入手太陰東人足陽明苦以泄之辛以散之溫以行之辛先入肺故治肺逆諸症清水洗去土羽片蜜蒸焙

紫苑蜜蒸焙使欬冬主咳逆痰喘肺痿吐膿消痰止渴喘嗽膿血屍疰勞傷通利小腸能開喉

痺小兒驚癇寒熱結氣虛勞不足能去蠱毒痿蹙仍佐百部欬冬研末生薑烏梅湯下共

治久嗽立建神功百部五錢欬冬紫苑各一兩為末每服三錢生薑烏梅湯食後臨睡各一服

按紫苑苦溫下氣辛溫潤肺故吐血虛勞收為上品雖入至高之臟然又能下趨使氣化及

於州都小便自利人所不知但性滑不宜久用且性辛溫陰虛肺熱者不宜單用須地黃門

冬共之

○欬冬得天陰寒之氣兼稟乎金水之性故凌冰雪而獨秀其味辛甘溫而無毒陰中含陽降也辛能散而能潤甘能緩而能和緩則通行不滯故善降下善治欬逆上氣

咳嗽諸症無分寒熱虛實皆可施行

欬冬慈使杏仁紫苑治肺痿膿血腥臭止肺咳嗽唾稠粘潤肺瀉火邪下氣定喘促却心虛驚

悸去邪熱驚癇補羸劣除煩洗肝邪明目更歐久嗽奇方燒烟吸之亦妙

按欬冬性稟純陽故能凌冬華艷所以主治皆辛溫開豁之力妙在溫而不助火耳務用含

英而未吐者去蒂蜜水微焙更得清潤之功然世多以枇杷花偽之物既殊而功自異矣

○草菓味辛而熱氣猛而濁故善破瘴癘消穀食及一切宿食停滯作脹悶及痛佐常山截疫瘧

草菓消宿食。立除脹滿。去邪氣。且却冷疼。同縮砂。温中焦。佐常山。截疫瘧。辟山嵐瘴氣。止霍亂。惡心。然氣猛濁。若氣不寔。邪不甚者。不必用之。

○高良薑 稟地二之氣。以生。故味辛熱。純陽浮也。入足。揚明。太陰。經。而治冷逆。逐寒邪。諸症。

高良薑健脾胃。消食下氣。温中除胃。開冷逆。衝心却霍亂。轉筋瀉痢。翻胃嘔食可止。腹痛積冷。堪毆。然治客寒犯胃。心腹冷痛。並宜。若傷暑注瀉。心虛作痛。寔熱腹疼。切忌。子名紅豆蔻。炒過入藥。醒脾温肺。散寒燥濕。故東垣常用之。脾胃藥中。又善解酒毒。餘治同前。然善能動火。傷目致衄。不可常用也。

○紫草 稟地天陰寒清和之氣。故味苦氣寒。而無毒。入足少陰厥陰。為涼血之聖藥。軟嫩而紫色者。佳。去根。取草。血分熱盛者。生用。脾虛者。酒淨焙。

紫草合膏。數熱毒瘡瘍。煎服。涼血化斑。托疏豆瘡。疹利九竅水道。乃血熱痘中滑肌通竅。涼血必用之藥。但性苦寒。通利勿多服。久服以增中寒泄瀉之虞。

主治 痘疹合泰 治痘紅紫目赤。血熱毒盛之症。此痘心經有熱。閉塞不通。血氣凝滯。毒盛色紫。用此涼心開竅。而熱毒發越。痘易起也。至於五六朝。用宜同粘米。蓋粘米能制紫草之餘寒。但終屬性寒滑利。不可久用。通用恐致泄瀉成虛。若非血熱及大便滑利者。勿用。

○紅藍花 稟土與火之氣。故味苦辛温。無毒。陰中之陽也。入心肝二經。血分之藥。

紅藍花治胎死腹中。為未生要藥。療口噤。血暈。誠已產。仙丹化痘。斑血熱痘疹。凡多用則破血通經。酒煮方妙。少用則入心養血。水煎為安。入心肝二經。為行血活血潤燥之藥也。同當歸則



生血佐肉桂則散瘀配治既異而功用有兩途矣產後勿宜過用多用以使血行不止而覺慎哉

主治合症疹治痘血熱血凝不行汚血化成班點用此之滯有去舊生新之妙用多用則行血破

血少用則活用歸經入心養血和血與當歸同功然大抵活血之功多而養血之力少也子吞

數粒能不染天行痘瘡凡瘡色紅紫之血熱也宜紅花酒浸晒乾用如瘡子黑陷者用子酒浸

晒乾慢火微炒研用 胭脂即紅花汁成之痘將出時以此塗眼四圍痘不入目兼能活血故

解片毒最良

○ 天花粉 稟天地清寒之氣故味苦氣寒而無毒

天花粉潤心中枯渴煩熱降膈上稠痰熱痰理一切腫毒排膿長肉消痰除時疾熱狂毆酒疸

去黃寔熱作渴最宜胃虛濕痰切戒汗下後亡陽作渴者陰虛火動津液不能上升作渴者病

症在表作渴者及脾胃虛寒並宜痛絕

主治合症疹治痘後熱毒發渴痰嗽利胸膈排膿長肉消癰瘡腫毒痘瘡潰爛

按天花粉酸能生津甘不傷胃微苦微寒降火為潤燥滑痰解渴要藥但宜於有餘陽症若

真寒假熱者忌之亭林一叟久苦痰火取服兩月惡食暴瀉不救其寒涼傷脾可知

○ 瓜蒞仁

瓜蒞仁性潤下氣味甘補肺令垢滌鬱開傷寒結胸必用俾火弭痰降虛怯勞嗽當求定喘潤

肺利膈潤腸解渴生津下乳止血其婁寔通用或同明礬製或同蛤粉和並主咳喘痰哮  
主治合參疹開肺下氣寬胸膈止嗽定喘惟宜痘後用吐瀉者禁之

表虛陰虛  
當切禁

薄荷感春未夏初之氣得乎火金之味金勝火劣故辛多於苦而無毒辛涼浮而升陽也  
入于太陰少陰經形質氣味皆輕浮走竄上升故治風熱輕寒鬱火則有功若內傷

薄荷下氣令脹滿消弭發汗俾關節通利清六陽會首啟諸熱生風辛能散涼能清搜肝氣以

抑肺盛消風熱以清頭目性喜上升小兒風涎驚狂壯熱尤為要藥新病瘥者忌服恐虛汗亡  
陽性輕浮走竄能洩越真氣而損心脾耳

主治合參疹消風熱清頭面之腫引諸藥入榮衛發汗通利關節治痘壯熱風痲驚搐者暫用久  
用多用走洩心氣耗陰損陽

澤蘭感土澤之氣故味甘而入血兼得乎春氣故微濕而無毒為婦人產後百  
病血滯腰痛血氣衰冷成勞羸震或為面浮腫洩熱和血行而帶補之要藥

澤蘭理胎產百病淹纏消身面四肢濕腫破宿血去癥瘕行瘀血療撲損散頭風目痛追癰腫  
瘡膿長肉生肌總皆行血和血行中帶補之功也

主治合參疹婦人產後惡露未盡者痘中亦用之感土澤之氣入血海而消瘀行中帶補氣味和

馬蘭味辛氣平入  
陽則血分

馬蘭破宿血養新血斷血痢解酒疸療諸菌蠱毒治絞腸沙痛除水腫尿澀消產瘡丹毒

蒲公草得水之精氣故味甘平無毒入用入肝解毒涼血之要藥故乳癰乳巖首所重馬  
水意內服外敷神效入劑同頭枯草貝母連翹白芷瓜蒞根稱葉頭垢壯鼠糞山

荳根山慈菰尚療乳巖其根莖白汁可塗惡瘡腫毒日塗三四毒散腫消

蒲公英即黃花地丁草潰堅腫消結核屢建奇功解食毒散滯氣並臻神效

主治合參凡痘後餘毒癰疽可用

半夏得土金之氣兼得天之燥氣火金相搏故味辛平苦溫有毒入足太陰陽明少陽亦入手少陰經辛溫善散故主傷寒邪在表裏之間苦善下泄故除心下支飲曾膈痰

熱脹滿上氣為祛濕分水寃脾而開寒濕痰氣鬱結之聖藥其所大忌者陰虛血少津液不足諸病耳

半夏火痰黑老痰膠同芩連寒痰清濕痰白同薑附陳皮蒼朮卒中病痰南星皂角痰飲脇痛

治吐食反胃消腸腹冷痰散逆氣除嘔惡閉結氣發聲音止脾瀉欬心汗一切痰厥頭疼頭眩

聖藥但血症消渴并孕婦忌服脾濕痰症最宜陰虛痰症切忌

主治合參治痘虛寒嘔噦少食化痰涎燥脾濕和脾胃但恐燥咽兼損孕婦灌漿時忌之無濕

痰者戒用

按汪機曰脾胃濕熱涎化為痰此非半夏曷可治乎若以貝母代之翹首待斃李時珍曰脾

無留濕不生痰故脾為生痰之源肺為貯痰之器半夏治痰為其體滑性溫也涎滑能潤辛

溫能散亦能潤故行濕而通大便利竅而泄小便所謂辛走氣既化液辛以潤之是也丹溪

謂半夏能使大便潤而小便長成無已謂半夏行水氣而潤腎燥局方半硫丸治老人虛閉

皆取其滑潤也俗以半夏為燥不知利水去濕而使土燥非性燥也但非濕熱之邪而用之

是重亡津液誠非所宜若應犯而犯似乎無犯古人半夏有三禁謂血家渴家汗家也然其

功止吐為足陽明除痰為足太陰助柴胡主惡寒是又為足少陽也助黃芩主去熱是又為足陽明也寒熱往來在半表半裏故用此有各半之意

牛蒡子

至秋而成得天地清涼之氣故味辛苦平無毒辛能散結苦能洩熱入手太陰足陽明經乃散風除熱解毒清利咽喉之聖藥痧症始末之必需血熱痘疹之要品但性冷而滑利氣虛泄瀉者切忌勿服臨用炒燥研碎則不出氣若牙疼用牛蒡子生研碎綿裏含患處漱去苦水即愈

牛蒡子主潤肺散氣牙齒蝕疼面目浮腫退風熱咽痛及風濕癢疹毒盛瘡瘍辛能散給苦能

洩熱為痘疹利咽喉解陽明消癰腫散風除熱清裏解毒之要藥

主治痘疹潤肺金而退風熱利咽隔而散諸腫治喉痛散結氣發痘涼血助藥行漿解陽明熱

毒凡痘紅紫熱盛便閉者最宜但通肌滑竅多服則內動中氣外致表虛如病後氣血虛弱用

之反致耗散真元若出不快而泄瀉者尤忌之癰疽已潰者勿服

○前胡得土金之氣感秋冬之令故味苦辛平微寒無毒入手太陰少陽苦寒能降辛平能散所以為下氣除痰去結散邪之藥

前胡善消痰壅哮喘咳嗽胸脇痞滿心腹結氣傷寒寒熱風寒頭痛去風痰除實熱

主治痘疹凡初熱疑似未明風寒效嗽痰涎者可用

按前胡辛以暢肺解風寒甘以悅脾理胸腹苦泄厥陰之熱寒散太陽之邪性陰主降與此

胡上升者不同長於下氣氣下則火降痰亦降矣若不因外感之痰及陰虛火動者并氣不

歸元胸脇逆滿者切戒勿入

○白附子感陽氣而生故味辛微其氣大溫有小毒性燥而升風藥中之陽草也東垣謂其純陽引藥勢上行能祛面上百病為去癩疵擦汗斑豁風痰逐寒邪燥濕散給中

風痰厥小兒急驚之要藥也但性溫燥凡陰虛類中風症小兒脾虛慢驚並宜切忌

白附子諸風冷氣中風失音血痺冷疼消痰去濕且引藥勢上行祛面上百病若大人陰虛類中小兒脾虛慢驚慎勿誤用

主治痘疹合參治痘風熱不退及四肢頭面不起用以散風利熱解毒

○草薢得火土之氣兼稟天之陽氣故味甘平無毒入足陽明少陰厥陰為祛風除濕補下之要藥

草薢忌同牛肉白者為佳治風寒濕痺腰痛背冷痛筋骨掣痛補水臟益精縮小便明目逐關節久結老血掃肌膚延生惡瘡恚怒傷中老人五緩其功專去濕而劣於去熱既可去膀胱宿水又能止失溺便頻凡楊梅痔瘻惡瘡病久火衰氣耗濕鬱者用草薢三兩角刺牽牛各一錢水六碗煎耗一半溫三服不數劑多瘡初服未效者以火尚盛也

主治益疹合參治痘水泡太盛不能乾靨者用以滲收濕氣

按草薢主用皆祛風濕補下元凡小便頻莖內痛必大腑熱閉水液只就小腸大腑愈加燥竭因強忍房事有瘀腐墜於下焦故痛此與淋症不同宜鹽炒草薢一兩煎服以葱湯洗穀道即愈腎受土邪則水衰肝挾相火來復母讎而凌土得草薢以滲濕則土安其位水不受侮矣如陰虛火熾及無濕而腎虛腰痛者勿服

土茯苓俗名冷飯團有赤白二種白者良可煮食亦可生啖甘淡而平陽明主藥分清去濁祛風除濕筋骨拘攣楊梅瘡毒瘰癧瘡腫去濕化毒之要藥也胃虛腎寒者禁之

土茯苓與萆薢形雖不同主治不甚相遠李氏疑為一物數種理或然也總之皆除濕消水去濁分清固下焦元氣故能與陽道而主諸痺及惡瘡不瘳也

○ 蘆根 稟土之冲氣有水之陰氣故味甘氣寒無毒甘能益胃和中寒能除熱降火所以出除蘆根掘土甘美者有效露出水面者損人解酒毒退熱除煩止嘔噦開胃下食清胃熱止消渴

食魚蝦中毒即解。懷胎孕發熱能痊。花白名蓬茸。主卒霍亂危急。煮汁吞飲即安。

主治 合參 治痘初起胃熱口臭。遠口四圍痘密者最宜。脾胃虛寒者禁用。

○ 燈心 氣味甘寒無毒以味甘淡性寒其質輕通故能通利小腸使心經蘊熱從小便

燈心務生剝者良。降心火。清肺熱。通陰。數利小便。除癰。閉成淋。消水濕。作腫。輕清去濕。除熱。故

治痘症。及上焦浮熱也。根採煎服。功力尤優。敗席者服。其效更勝。燈花止小兒夜啼。治大

人喉痺。金瘡敷上。血禁肌生。

主治 合參 根苗並主五淋。清心解熱。燒存性。止小兒夜啼。

瞿麥 稟陰寒之氣而生。故未苦辛寒無毒。

瞿麥君主利小便。佐使決腫癰。去白翳。逐胎下閉。血出刺。凡腎氣虛無大熱者。水腫盡脹。脾虛者。胎前產後一切虛人。雖小便不利。法並禁用。

主治 合參 治痘疹小便不利。與木過同功。然稟陰寒之氣。通心經以利小腸。若心經雖熱而小

腸虛者服之。熱未退而小腸變生別病矣。

茅根 稟土之冲氣。兼感乎春陽。生生之氣以生。故味甘氣寒無毒。入手少陰足太陰陽明。其能補脾。故雖寒而不犯胃。能治諸勞傷虛熱也。

茅根下淋利小便通閉逐瘀血除客熱在腸胃止吐衄因勞傷補中益氣並止消渴清肺熱定

喘除黃疸酒毒 茅鉞潰癰每食一鉞一孔 茅花止血

主治合參 茅根宜新掘肥大白淨者搗汁入藥功效同前

香薷感夏秋之氣以生味辛氣微溫無毒入足陽明太陰手少陰經辛散溫通故能解寒

鬱之暑氣猶內傷生冷外受暑邪外邪內傷相併而作霍亂吐瀉諸症用此辛溫通氣和中解表乃愈者勞役斷喪內傷元氣及受暑熱而大寒大渴短氣少氣者並宜忌此辛溫走洩以踏虛虛之戒

香薷主霍亂中脘絞痛傷暑小便澀難散水腫有微上微下之功肺得之清化行熱自下也去

口臭有撥濁回清之妙脾得之鬱火降氣不上焉解熱除煩調中溫胃然辛溫走散元氣虛者

不可過投中熱者尤所禁用且因味辛性溫宜涼飲不宜熱服

主治合參 夏月痘疹暫用以清暑氣宜陳久者良

按香薷味辛氣溫為夏月發散陰寒之劑如納涼飲冷過度陽氣為陰邪所遏以致頭痛發

熱煩燥口乾吐瀉霍亂宜用之以發越陽氣散水和脾則愈若勞役受熱用之是重虛其表

反助其熱益耗真陰害人不淺

木賊草感春升之氣故味甘微苦無毒入足厥陰少陽二經血分故首主目疾及退翳膜

肝而走血分消之中也復有止瀉之功

木賊草入肝膽退目翳暴生消積塊兼發汗疎邪但目疾暴赤腫痛由於怒氣暑熱者非其所

宜久服損肝

主治合參專益肝膽去翳明目。治痘後目疾宜去節以酒潤濕火上烘用。

按穀精去星障木賊去翳障其功在菊花之上。蓋菊花和血藥止能調養眼目而其除星去

翳則不及也。然目病久患精血虧損者雖有翳障而木賊穀精之類必兼熟地芍藥滋補肝

腎之藥而始效。豈不思目得血而能視乎。即當歸雖能養血然味辛散尚非所宜也。

○ ○ 決明子得水土陰精之氣兼稟乎清陽者也故其味鹹苦甘平微寒無毒鹹得水氣甘得土氣苦可洩熱平合胃氣寒能益陰洩熱足厥陰肝家正藥亦入膽腎又可作枕

治頭風明目

決明子除肝熱尤和肝氣收目淚且止目疼明目仙丹頭風兼毆得沙死蒺藜甘菊枸杞生地

女貞實槐實穀精草補肝明目益精之要藥功力更優

主治合參主青盲目淫膚赤白膜腫痛淚出除肝家熱

○ ○ ○ 蒺藜子蒺藜有二種一種同州沙苑白蒺藜一種秦州刺蒺藜白者感馬精所生刺者感地中陽氣所生本經苦溫別錄加辛及微寒並無毒宜炒搗去刺

刺蒺藜質輕色白象金入肝。夫肝雖有藏血之體而血非可留之物留則不虛靈而血惡。斯致

疾矣。蒺藜宣行快便。故主婦人癥結積聚能破。男子遺溺洩精能止。腎虛腰疼傷中勞乏。催生

落胎除煩下氣。乳發帶下易效。肺痿膿血可瘳。療雙目赤疼。翳生不已。治遍身白癩。癢癢難當。

除喉痺頭疼消痔瘻陰汗去惡血長肌肉明目輕身多主肝經以味苦溫辛香可以宜散也。

又種沙苑者質細色綠常入腎經以性寒質寔可以強陰故益精療腎之功更勝。

主治合參擇白者宜炒過方搗去刺後研細入藥。凡痘瘡癢潰爛者并痘後目患者並宜。



○ 纏豆藤

纏豆藤和中解毒宜端午日採陰乾比毛豆梗上纏繞細紅絲者佳稀痘方中常用之。

○ 敗草

即牆頭陳柴既稟穀氣之餘久受寒暑雨露日月精華故為久潰瘡瘍之用最效耳。

敗草宜東壁極陳者佳或晒或焙研細或敷瘡上或襯蓆間善解痘毒滲濕之功神效爛痘之所必需。

○ 夏枯草

稟純陽之氣故冬至生夏至枯也且得金水之氣故味苦辛性微寒無毒入足厥陰少陽經辛能散結苦能洩熱故治一切寒熱瘰癧破癰堅癭乳癰乳巖及火鬱

目珠疼極怕日羞明之要藥並端作穗開淡紫花採陰乾用之。

夏枯草味辛苦而性微寒散結氣而解內熱補肝血緩肝火破癥堅癭瘤散瘰癧鼠瘻寒熱並治濕痺兼却更治目珠疼痛至夜則甚者如神此草稟純陽之性夏至後得陰氣即枯所以治厥陰火鬱之目疾及鬱怒所成乳巖乳癰併一切癰腫也。目皆白珠屬陽故晝痛點苦寒藥則效黑珠屬陰故夜痛點苦寒藥反劇

夏枯草氣稟純陽補厥陰血脈故治夜痛如神以純湯之氣而勝濁陰且散厥陰鬱火耳。

馮氏錦囊秘錄雜症痘疹藥性主治合參卷三

松江蒲溪李林薇啟賢氏重校

姪 謙益恭存

海鹽馮兆張楚瞻甫纂輯

門人沈世楫維周全較

男 泰 且公

草部

○ 姜蕤 稟天地清和之氣入肝腎四經味甘平無毒

姜蕤一名玉竹潤肺而止咳痰補脾而去濕熱養肝而理管傷淚出益腎而除腰痛肺寒調養氣血逐風淫四末成痺益氣補中去心腹結氣陰煩入脾肺以長氣分之陽入肝腎以滋陰分之血但性緩力薄難取近功

按姜蕤雖曰滋益陰精與地黃同功增長陽氣與人參同力潤而不滑和而不偏譬諸威德之人無處不宜故神農收為上品但汁薄而不能如地黃之濃厚力小而不能如人參之大補性平和緩難圖急效陰陽並資未有專功較之地黃之滋陰人參之補元已屬霄壤矣豈可仗此以代挽回垂絕之藥乎

○ 丹參 味苦微寒無毒能治軟脚可逐奔馬又名奔馬草清心除熱宜生用養心血止痛宜猪心血拌炒用和心陰理心氣蜜酒拌炒

丹參專調經脉平補善理骨節疼痛生新血去惡血落死胎安生胎破積聚癥堅止血崩帶下脚痺軟能健眼赤腫可消安神散結益氣強陰散癭贅惡瘡排膿生肉辟鬼祟精魅養正毆邪

更治腸鳴幽幽。滾下如走水狀。功雖多於補血。然更長於行血。心與心包絡及肝經三家藥也。按丹參色合南離。獨入心家。專主心血。古人稱丹參一味兼四物之功。嘉其補陰也。雖能補血。然長於行血。故胃氣虛寒者少投。妊娠無故者勿服。

沙參

稟天地清和之氣。味甘微寒。無毒。散結除熱。則有之。補中益氣。則不及也。

沙參味淡體輕。專補脾氣。因而益脾與腎。久嗽肺痿。金受火尅者宜之。寒客肺中作嗽者勿服。主寒熱咳嗽。胸痺頭痛。定心內驚煩。退皮間邪熱。易老服代參。蓋取味之苦甘。瀉中兼補畧相類耳。

按沙參氣輕力薄。非肩弘任大之品也。人參甘溫體重。專益肺氣。補血而生陰。沙參甘寒。體輕專清肺熱。補陰而制陽。一行春氣。一行秋氣。不相侔也。故藏府無實熱。及寒客肺經而嗽者勿服。

胡椒

稟天地純陽之氣。以生。故味辛氣大。溫無毒。氣味俱厚。陽中之陽也。入手足陽明經。以辛溫之。馱邪除穢。劑之沉寒。勿冷過。則損肺傷陰。

胡椒下氣去風痰。溫中止霍亂。腸胃冷痢可卻。心腹冷痛堪除。食勿過劑。損肺傷脾。萼澄茄係胡椒青嫩之時摘取。一方向陽生者為胡椒。向陰生者為澄茄。化穀食。理逆氣。消痰癖。止嘔噦。傷寒效噫。亦每用之。

藁本

感天之陽氣。兼得地之辛味。故味辛。苦氣溫。無毒。入足太陽經。溫能通苦。能洩大辛。則善散氣。厚則上升。陽也。

藁本氣力壯雄。風濕通用。正頭痛。顛頂上散寒邪。巨陽經。又能下行去濕。故治婦人陰腫瘕疝。

子名鬼卿。主風入四體。藁本感天之陽氣得地之辛味。故氣溫而苦。苦從火化。故其氣雄能治顛頂頭痛也。然內熱頭痛及春夏溫暑之病不宜進也。

○藁耳實即蒼耳也。得土之冲氣。兼稟天之春氣。故味苦甘溫無毒。葉味辛苦微寒。有小毒。

藁耳實散瘡癬。細瘡遍身。癢者立效。敗風濕。周痺。四肢攣急者。殊功。止頭痛。善通頂門。追風毒。任在骨髓。殺疔蟲濕。主惡肉死肌。搗汁飲。治疔腫如神。煎湯熏。療諸痔立效。益氣開聰。明強志。煖腰膝。苦以燥濕。甘以和血。溫以通行。為驅風去濕之聖藥。六神麵以之配。蒼龍風本象也。

○秦艽感秋金之氣。故味苦辛平微溫。無毒。入手足陽明經。若能洩辛。能散微溫。能通利。故主寒熱邪氣。寒溫風痺。肢節痛。下水利。小便。性能祛風除濕。無問久新。及通身攣急。能燥濕散熱。結腸風瀉。血養血榮筋之要藥。

秦艽養血舒筋。除風痺。肢節俱痛。通便利水。散黃疸。遍體如金。除頭風。解酒毒。止腸風。下血。去骨蒸。傳屍。其性養血祛風。入胃而除濕熱。故學急痺症者。風也。黃疸便澀者。濕熱也。為風藥之潤劑。但下部虛寒人。小便不禁者。勿服。

按秦艽風藥中之潤劑。散藥中之補劑。故養血有功。中風多用之者。取祛風活絡。養血舒筋。蓋治風先治血。血行風自滅耳。

○清箱子味苦寒。入肝經。

清箱子多治眼科。去肝臟熱。毒上衝。青盲翳腫。除心經火邪。暴發赤障昏花。

○白前色白形似白飯又似牛膝但脆白易折不若白薇之可摩而不折也感秋之氣得土之沖味味甘辛氣微溫一云微寒無毒陽中之陰降也入手太陰肺家之要藥甘能緩辛能散溫能下故善能下氣治氣逆欬嗽濕痰停飲短

氣水濕體腫脹滿晝夜倚壁不得卧喉作水雞聲者神效

白前似牛膝粗長堅脆易斷主咳嗽上氣能降胸脇逆氣堪鼓氣壅脇倒睡不得者殊功氣衝

喉呼吸欲縱者立效并氣寒咽嗑時作水雞聲鳴者服之即瘳

○青蒿稟天地芬烈之氣以生味苦氣寒芬芳無毒若能泄熱殺蟲寒能退熱除陰分伏熱故治瘧勞虛熱男婦勞瘦骨蒸凡苦寒多傷胃氣惟青蒿之芳氣入脾與胃無犯且

能清利脾家濕熱耳但中氣虛寒泄瀉者勿用若熬膏神治瘧癘虛熱以童便搗葉取汁煎膏

青蒿即草蒿係神入童便熬膏退骨蒸癆熱生搗爛絞汁卻心痛熱黃瘰肉腫癰燒灰淋濃湯

點洩利鬼氣研末調米飲吞愈風癩疥癩止虛煩盜汗開胃明目辟邪殺蟲善理血虛有熱專

除鬼症傳屍

身中鬼氣引接外邪有遊走皮膚洞穿藏府每發刺痛變動不常者為飛尸附骨入肉攻鑿

血脉見尸聞哭便作者為遁尸淫躍四末不知痛之所在每發恍惚得風雪便作者為風尸

纏結藏府冲引心脇每發絞切遇寒冷便作者為沉尸舉身沉重精神錯雜嘗覺昏廢每節

氣大發者為尸症時珍曰月令通纂言伏內庚曰采青蒿懸門庭可辟邪冬至元旦各服二

錢亦良則青蒿之治鬼症蓋亦有所本也

按凡苦寒之藥多傷胃氣惟青蒿芬芳入脾獨宜於血虛有熱之人以其不傷胃氣故也但

無補益之功必佐氣血藥而用之方有濟也



味皆用人參贊助。故有成功而無偏勝之害。若專用尅伐胃氣愈虛不能運行積反增。

○蓬莪茂感夏未秋初之氣得火金之味故其味苦辛其氣溫而無毒陽中陰降也

蓬莪茂止心疼。通月經。消瘀血。破積聚。疔癬。乃氣中之血藥也。欲先入氣火炮用之。欲先入血

則用醋炒。

按蓬木攻削峻猛。誠為磨積之藥。但虛人服之。積滯未退。本元日虧。兼以參朮乃無損耳。惟

元氣壯盛者。則有病病當之也。

○骨碎補又名猴薑得金氣兼得石氣而生味苦辛氣溫好生陰處故得陰氣為多入足少

荊風足軟堅骨固齒皆入胃主骨之驗也。凡採得銅刀刮去黃赤毛細切密拌蒸晒用。

骨碎補。補骨節。傷碎。療風血積。疼。破血有功。止血亦效。專入腎經。故治腎泄。骨痿。耳響。牙疼。諸

骨腎症。昔魏刺史子久泄垂危。諸藥不效。用此藥末入猪腎中煨熟食之。即愈。蓋腎主二陰而

司禁固。久泄乃屬腎虛。不可專責脾胃也。

○延胡索稟初夏之氣兼得乎金之辛味故味辛氣溫而無毒入足厥陰亦入手少陰經性

溫則能行能暢味辛則能潤能散所以為行氣活血要藥但性能走而不能守故

延胡索經事先期崩中淋露一切血熱血虛宜。破血下氣。調月水。氣滯血凝。產後血衝。血暈。心腹卒疼。小腹脹痛。通經下胎。

舒筋療疝。妙不可言。乃活血化氣第一品藥也。

按延胡索行氣中血滯。血中氣滯。通理一身上下諸痛。往往獨行功多。故調經藥中常用之。

然既無益氣之情。絕少養榮之義。徒仗辛溫。攻凝逐滯。虛人當兼補藥同用。否則徒損無益。

○ 薑黃 得火金之氣。故其味苦辛。性寒無毒。陽中陰也。降也。入足太陽。厥陰。苦能泄熱。辛能散結。故為破血下氣。血分氣分之要藥。

薑黃性烈。過鬱金。鬱金入心。治血。薑黃兼入脾。兼治氣。破血立通。下氣最捷。一切結氣積氣癥。

瘕。瘀血。閉癰疽。竝治。辛溫能散。專理氣中之血。內調心腹脹滿。外療手臂疼痛。若血虛腹痛。

臂疼。而非瘀血凝滯者。用之反劇。

○ 地榆 粟地中陰氣。兼得乎天之微陽。故味苦甘酸。微寒無毒。氣薄味厚。沉而降。陰也。入足厥陰。少陰。手足陽明。經為下部。濕熱腸風。使血血熱。血痢。疳痢。之要藥。宜酒拌炒。

地榆雖理血症。惟治下焦。婦人崩帶。月經不斷。小兒疳痢。腸風下血。痔瘻來紅。但虛寒冷瀉。崩。

帶。切須忌服。

○ 百合 得土金之氣。兼天之清和。故味甘平微寒。無毒。入手太陽。陽明。亦入手少陰。

百合養臟益志。潤肺寧心。逐驚悸時疫。除邪熱消腫。欬久嗽。療肺痿。止涕淚。利二便。不獨保肺。

之功。仲景定百合湯治百合病。更有寧神清心之效也。

按久嗽之人。肺氣必虛。虛則宜欬。百合之甘。斂勝于五味之酸。斂多矣。金匱云。行住坐卧不。

定。如有神靈。謂之百合病。仲景以百合湯治之。則其清心安神。從可想見。久服使人心志歡。

和。但腸滑者勿用。

○ 百部 得天地陰寒之氣。故味甘苦微溫。無毒。與天門冬形相類。而用相做。故名。野天門冬。但天門冬治肺熱。此治肺寒。為別也。千金方用百部熬膏入蜜。不時取服。可療三十。

馬氏綿叢必錄 卷三 藥性 地榆 百合 百部 藍實 蛇床子 千頃堂書局



年嗽楊氏經驗方治遍身黃腫取鮮百部搗窰臍上以糯米飯半升拌酒半合蓋在藥上以帛包住一二日後口內有酒氣則水從小便出腫自消矣

百部治久嗽傳尸骨蒸肺熱上氣散熱清痰潤肺下氣誠久嗽寒嗽之要藥也更殺傳尸癘蟲小兒疳熱寸白蛇蟲同秦朮為末燒烟薰之去風亦殺蟲之一驗也

。藍實 稟天地至陰之精其味苦鹹寒而無毒故能去熱除疳一云兼甘平無毒以其得土氣之厚蓋諸毒遇土即解故可善解諸毒

藍實餘藍俱不入藥入藥惟用蓼藍秋採實晒乾微研碎煎服殺蟲疰疫鬼惡毒。五臟六腑熱煩益心力。填骨髓補虛聰耳。利關節通竅。但虛寒人及久瀉者并腹中覺冷者忌之。莖葉可作靛染青。生搗絞汁飲散風熱赤腫愈疔腫金瘡。追蠶瘕脹痛百藥毒總解。諸惡瘡竝。行義云。藍實水有木能使散敗之血分諸經絡。故解毒最效。又治小兒壯熱成疳。婦人產後血暈。消赤眼暴發。止吐血時來。天行瘟疫熱狂。竝宜急取煎服。丹溪普濟消毒飲中。加板藍根者。即此是也。其靛花名為青黛。宜合丸散。小兒疳熱消瘰瀉肝下毒。殺蟲收五臟鬱火。消上膈痰火。竝妙。更歐時疫頭痛。欽傷寒赤斑。一切疳病。面黃鼻赤。毛焦唇焦。口舌生瘡。皮膚枯槁。壯熱等症。神奏奇功。雖涼而不傷脾胃。故疳痢疳癆。竝臻神效。

著實

著實明目增智慧。益氣充肌膚。久服不饑。輕身耐老。

。蛇牀子 味苦辛甘平無毒陽也。凡使須用濃藍汁并百部自然汁二味同浸三伏時漉出晒乾却用生地汁拌蒸從午至亥晒乾用。

蛇牀子治婦人陰戶腫疼。温煖子臟。男子陰囊濕癢。堅舉尿莖。掃瘡癬利關節。腰膝腫痛。手足

痺頑益陽氣治腰膝酸疼。斂陰汗。除濕瘡疥癩。大風身癢難當。作湯洗愈。產後陰脫不起。絹袋  
熨收。婦人無娠最宜。久服但性溫燥。腎家有火。下部有熱者忌投。

蘭葉

稟天地清芬之氣以生。故其味辛氣平。無毒入手。太陰足陽明經。故肺氣鬱結。辛平散之。胃結痰癖。芬芳除之。為開胃除惡。清肺消痰。散鬱結之聖藥也。

蘭葉利水道。散痰癖。益氣生津。殺蟲毒。辟不祥。潤膚逐痺。膽痺必用。消渴須求。東垣云。能散積  
久陳鬱之氣。經日治之。以蘭除陳氣也。

卷栢

稟石之氣。兼感人之陽氣。以生。故味辛甘溫平。微寒無毒。

卷栢。彷彿區栢。止血用炙。去血宜生。治婦人癥瘕。血閉殊功。療男子風眩。痿蹙立效。止脫肛而  
散淋結。毆鬼邪。以除啼泣。益精強陰。鎮心定魄。煖水臟育孕。和顏色。輕身。

漏蘆

得地味之苦。鹹。稟天氣之大寒。故無毒。若能下洩。鹹能軟。堅寒能除熱。入足陽明少陽太陽手太陰陽明寒而通利之藥也。

漏蘆治身體風熱惡瘡。皮肌癢癢癩疹。乳癰發背。痔瘻腸風。補血排膿。生肌長肉。引經脈。下乳  
汁。續筋骨。療折傷。止遺溺泄精。除風眼濕痺。非獨煎飲。堪作浴湯。但婦人妊娠及瘡瘍陰證。平  
塌不起者禁用。

薇銜根

薇銜根有兩股。大者名大吳風草。小者名小吳風草。秦皮為使。主風淫濕痺。致歷節痠疼。療吐  
瀉驚潤。及鼠瘻癰腫。卻熱除痿。變逐水消暴癥。婦人服之。絕產無子。吐舌悸氣。顛狂等症。竝祛

敗醬

敗醬因似敗豆醬氣故名。除腫癰敗膿散血。破癰結。催產安胎。去蛆痔疥癩。卻毒氣痿痺。鼻紅吐血能止。腹痛凝血可推。

菴蘭子

得土之烈氣。微感天之陰氣。味厚氣薄。故味苦微寒。微溫無毒。

菴蘭子消食明目。益氣輕身。止女人經澀不通。扶男子陽痿不舉。消水氣作脹。散瘀血成癰。打撲折傷。風寒濕痺。腰膝空痛。骨節痠疼。

天名精

稟天地清陰之氣。故味甘辛氣寒而無毒。

天名精又名地菘。又名麥薑。又名蟾蜍蘭。又名蝦蟆蘭。又名天蔓青。又名天門精。又名活鹿草。又名劉燼草。專療傷折金瘡。拔腫毒惡疔。下瘀血。血痕。利小便。以逐積水。除結熱。而止渴煩。追小蟲。去濕痺。逐痰涎。定吐衄。敷治蛇蟲螫毒。噲療纏喉風腫。根名土牛膝。功用相同。子名鶴虱。任合丸散。大能殺蟲。追毒。虻蟻蟲咬。心腹卒痛者。肥肉汁調下。即安。砒礪毒吞。腸胃未裂者。濃薑汁送下。立吐。

仙茅

稟火金之氣。故味辛溫。有毒。氣味俱厚。入手足厥陰經。辛溫之氣。正補命門火之不足。所以諸證自除。筋骨陽道自旺。且命門之系上通於心。相火得補。則君火益。自振攝。故能通神。強記。且真陽足。陰翳消。肝腎俱補。故能明耳目。但陽氣衰弱者。最宜陰虛火盛者。切忌。

仙茅有毒。主心腹冷氣不能食。療腰足攣痺不能行。丈夫虛損勞傷。老人失溺無子。益肌膚。黑髭鬚。壯筋骨。填骨髓。明耳目。助陽道。長精神。久久服之。通神強記。

聖濟總錄。仙茅丸。壯筋骨。益精神。明耳目。黑髭鬚。仙茅二斤。米泔浸五。水夏月浸。

三日銅刀刮去皮。酒拌蒸。剉碎陰乾。取一斤枸杞子。一斤車前子。十二兩白茯苓。去皮。茴香炒。栝子仁。去殼。各八兩。生地黃。焙熟。地黃。焙。各四兩。為末。酒煮糊丸。如梧子大。每服五十九。食前溫酒下。日二服。凡味之毒者必辛。氣之毒者必熱。仙茅味辛。氣大熱。其為毒可知矣。雖能補命門。益陽道。助筋骨。除風痺。然而病困不同。寒熱迴別。施之一誤。禍如反掌。况世之人。火旺致病者。十居八九。火衰成疾者。百無二三。辛溫大熱之藥。其可常御乎。凡一概陰虛發熱。咳嗽吐血。衄血。齒血。溺血。血淋。遺精。白濁。夢與鬼交。腎虛腰痛。膝無力。虛火上炎。口乾。咽痛。失志。陽痿。水涸。精竭。不能孕育。老人孤陽無陰。遺溺。失精。血虛。不能養筋。以致偏枯痿痺。胃家邪熱。不能殺穀。胃家虛火。嘈雜易饑。三消五疸。陰虛內熱。外寒陽厥。火極似水等證。法並禁用。

景天

味苦酸平。氣寒無毒。乃大寒純陰之草也。故主大熱。火瘡。身熱。煩邪。諸虫。毒。虺。蛇。傷。惡。氣。

景天又名慎火草。又名掛壁青。治火瘡。立瘥。又煎湯浴。小兒熱刺。瘡。若搗爛。能敷小兒赤遊丹毒。金瘡。盡。風驚。熱燥。並。毆。

徐長卿

徐長卿去蟲毒疫疾。殺鬼物精邪。祛溫瘧。逐惡氣。

黃藥根

稟土中至陰之氣。以生。故色黃。味苦。氣良。無毒。入手少陰。足厥陰。經。經曰。一陰一

動而。喉痺。瘰癧。矣。主諸惡。腫。瘡。蛇。犬。咬。毒。者。亦以其苦寒涼血。且得土氣之原。解百毒也。

黃藥根外利多。用主咽喉痺塞諸惡瘡。疔治蛇犬咬傷。心。肺積熱。生搗取汁。可含。可塗。子肉味酸。消癭甚捷。收須浸酒。日飲數杯。見效即停。否則項縮。

### 石龍莖

石龍莖又名龍鬚。織蓆堪用。通小便不利。熱淋除內傷不足。虛痞。殺鬼疰惡物。去尿管濕疼。潤皮毛。枯槁。卻心腹邪氣。敗蓆煎湯。治淋亦效。

### 石龍芮

石龍芮有兩種分別。水生者葉光潤。子圓。陸生者葉有毛。子銳。入藥惟尚水生。用子形如葶藶。平胃氣。欠和胃熱。作滿。補陰氣不足。莖冷失精。風寒濕痺。齊。心腹邪氣。竟解。通利關節。悅澤皮膚。久服明目。輕身。令人結孕。有子。

### 絡石

生石者良。稟少陽之令。兼得天地陰寒之氣。而生。四時不凋。其味苦。其氣溫。微寒。而無毒。入足陽明。手足少陰。足厥陰。少陽。經藥。

絡石與薜荔木蓮地錦石血同類。喉痺不通。欲絕。水煎湯下。立。背癰。嫩。腫。延。開。蜜和汁服。立效。堅筋骨。強健腰足。利關節。潤澤容顏。去風熱。死肌。解口舌乾燥。蛇毒。心悶。能散。刀斧瘡。口可封。薜荔雖同絡石。莖葉粗大如藤。治背癰。將葉採收。煎酒飲下。刺即愈。木蓮與絡石相類。莖葉粗大。更大於絡石。味苦。藤似寄生。附木而生。苗枝葉如石葦。因得木氣。故。口木蓮。俗呼鬼饅頭是也。又名薜荔。或煎湯。或浸酒。初服壯陽。卻病。久服耐老。延年。藤汁取之。堪敷風毒。掃白癩。風癬。除疥癬。癰瘍。其上結子房。并房中白汁。破血甚良。地錦味甘。煎湯浸酒。破血。止疼。祛

產後血凝。逐腹中血。瘕石血亦以血攻。煎酒建功。墮胎亦速。

按絡石以其包絡木石生而名之也。稟少陽之令。得地之陰氣。開關節散風熱。治發背癰疽之要藥也。神農列之上品。李當之稱為藥中之君。醫家鮮知用者。豈以其近賤而忽之耶。仁存堂治小便白濁。緣心腎不濟。或由酒色過度。謂之上浮。蓋有虛熱而腎不足。故土邪干水。史載之言。夏則土燥水濁。冬則土堅水清。即此理也。醫者往往峻補。其疾反甚。惟服博金散。則水火既濟。源潔而流清矣。用絡石人參茯苓各二兩。龍骨煨一兩。為末。每服二錢。空心米飲下。日二服。陰臟人畏寒。易泄者勿服。陰山峻壁。隨處有之。多包絡石間。或蔓延木上。莖節着處。即生根鬚。葉細厚而圓短。凌冬常清。花白實黑。折之有白汁。與薜荔地錦等同。一類焉。入藥則附石者良。用粗布揩去毛子。以熱甘草水浸透。切晒。用杜仲丹皮為之使。惡跌落。畏貝母葛蒲。

艾葉 稟天地之陽氣以生。故味辛微溫。其氣芳烈。純陽之草也。無毒入足太陰厥陰少陰三經。生寒而兼辛散熱則大熱。火炎則氣內注。通筋入骨。煮服則上升。故止崩漏安胎。且為調經治帶溫中除濕。辟惡女科之要藥。

艾葉祛寒濕。溫中除腹痛。保孕殺蟲療蠱瘡。作炷灸百病。熨臍腹冷疼。辟諸疫鬼氣。同香附醋糊丸。名艾附丸。開鬱結。調月經。溫煖子宮。使孕早結。同乾薑末蜜丸。名薑艾丸。歐冷氣惡氣。逐鬼邪氣。火灼氣下行。入藥氣上行。若陰虛血燥者。大非所宜。

馬鞭草 味苦氣寒無毒。為涼血去濕熱殺蟲之藥。下部濕熱陰腫惡瘡。煎湯先熏後流氣。到便爽痛。脾胃虛弱者勿服。

馬鞭草。苗葉類菊。穗抽似鞭。花開色紫。下部楊梅瘡。罌瘡。煎湯熏洗。金瘡積血作疼。研末敷妙。通女人月水。血氣成癥。結痂生搗。醇酒煎良。治小腸卒痛難當。禁火燒發熱。不斷絞腸沙即效。

纏喉痺極靈。殺諸般疰蟲。消五腫痞塊。

旋覆花。一名金沸草。五月採花。晒乾。稟冬之氣。以生。故味鹹甘溫。一云苦辛冷利。有小毒。鹹能潤下。軟堅。辛溫能通行。破結。

旋覆花逐濕。治頭風明目。凡心脾伏飲。脇下脹滿。胸上痰結。唾如膠漆。風氣濕痺。皮間死肌。消痰飲除宿水。利大腸膀胱。但氣走洩。且性冷利。病人衰弱。及大腸虛寒者忌之。

劉寄奴。味苦辛微溫。苦能降下。辛溫通行。故主破血下脹。然善走之性。又在血分。故多服則令人痢。昔人為金瘡要藥。又治產後餘疾。下血止痛者。正以其行血迅速也。凡病人氣血兩虛。脾胃衰弱。作泄者。勿服。火灼湯傷。先以鹽末搽之。護肉不壞。後以寄奴細末。搽上。或以糯米漿雜細掃上。後搽是藥。不痛且無痕。大驗。

劉寄奴草下氣。止心腹急疼。下血卻產後餘疾。消焮腫癰毒。治湯火熱瘡。子研泡熱水下咽。腸瀉無度者即已。

葫蘆芭。味苦熱無毒。入腎膀胱二經。

葫蘆芭得桃仁大茴香。治膀胱疝氣。效同硫黃。黑附子療腎臟虛冷。住。毆脹滿腹脇中。退青黃面頰上。相火熾盛。陰血虧少者禁之。

三七。味甘微苦無毒。入手足陽明厥陰血分。

三七止血散。血有神功。癰疽腫毒為妙藥。即散已破。為末搽之。箭刃杖撲。嚼塗即定。血崩血痢。泔服可痊。赤眼毒眼磨汁搽之。蛇傷虎傷為末敷搽。

高蓄

篇蓄主浸淫疹瘡疔毒丹石發腫眼疼治熱淋黃疸理瘡疾殺蟲不能益人亦常用也

○ ○ ○ 稀莨草

祛風除濕生發之氣以生故味苦寒無毒專入肝腎二經生則寒熱則溫也乃血分

所以祛濕熱除風氣四肢麻痺骨間疼痛腰膝無力中風等症也妙在走而不洩香可

開脾邪去身安輕身駐顏其草節葉相對五月五日六月六日九月九日採來溫水

洗去泥土摘其葉及枝頭花寔蜜酒潤過九蒸九晒不必太燥但取蒸足數為度仍熬

搗為末煉蜜丸如梧子大中風口眼喎斜之症空心溫酒或米飲下二三十丸服後病

若愈加不必憂慮是藥攻之力也服至四千金必得全愈至五千金

丸精力倍加甚益元氣唐成訥宋張詠並表進于朝極言其效

酸漿實

寒之陰濁盡去而香之美味見矣蒸晒不至九數則陰濁尚在不能透骨驅風而却病也

石韋

酸漿實孕婦吞下立分媿無憂小兒食之能除熱有益根搗汁極苦治黃疸易消

石韋用須拭去背上黃毛治遺溺成淋通膀胱利水療癰疽發背去惡風止煩益精氣補五勞

除邪熱安五臟

生瓦上者名為瓦韋治淋亦佳

海金沙

味甘淡氣寒無毒甘寒淡滲故主通利小腸治熱血膏淋及脾濕腫滿腹脹如鼓

陰不足者忌服不得卧乃手太陽小腸經藥也然淡滲而無補若腫脹由於脾虛淋濁由於真



海金沙治小便不通。臍下滿悶。主濕熱腫滿。膏血諸淋。乃專利小腸濕熱之藥。可供合丸散。

蜀漆其根名常山。稟天地陰寒之氣。味苦辛寒。有毒。苦泄辛散。善逐飲陰寒。祛熱。故善破瘴。瀉入口即吐。其性暴悍。可知古方治瘧多用。蓋以嶺南兩粵。鬼方山嵐瘴氣所感。充於榮衛皮膚之間。欲去皮膚毛孔中瘴氣。根本非

常山不可以性祛。遂去痰積。飲善散山嵐瘴氣。屬也。

蜀漆係常山苗。散火邪。錯逆破癰。癥瘕。堅痞。結積。疑。蟲毒。鬼疰。久瘧。兼治欬逆。亦調。切勿服多。

亦防惡吐。常山截溫瘧。吐痰沫。殊功。水脹堪逐。鬼蠱能消。勿熱下咽。露宿。纜投。老人病久。尤

宜戒服。蓋陰毒暴悍之草。雖能破瘴。逐飲。善治久瘧。須在發散表邪。提出陽分之後。用之。但最

損真氣。倘瘧非因瘴氣。老痰積飲者。勿輕用之。功不掩過者也。

按常山截瘧疾甚效者。蓋瘧疾必有黃涎聚於胸中。故曰無痰不成瘧。且弦脉主痰飲。而瘧

脉必弦。常山善去老痰積飲。故為瘧家要藥。必須好酒炒透。否則令人吐也。若同參朮。則既

可去病。復可禦其猛烈之性矣。

○海藻全粟海中陰氣以生。故味苦鹹寒。無毒。氣味俱厚。純陰沉也。若能洩結寒。能除血熱。誠能飲堅。潤下。故主消癭。癥。破。堅。散。結。十二水腫之要藥。宜淡白對先

洗淨。再用生烏頭并紫背天葵同蒸一伏時。晒乾用。

海藻性反甘草。治項間癭。瘰癧。頸下癭。囊癥。癰腫。痰飲濕熱。利水通癰。閉成淋。瀉水除脹。滿作

腫。辟百邪。鬼魅。止偏墜。疝疼。海帶多用。催生。亦治風淫。兼下水濕。功同海藻。昆布領痰。結

氣。積聚。癭瘰。功同海藻。而少滑性。雄。故瘡疔。彌。噎。散。結。濟。堅。並有奇效。多服久服。令人瘦削。

○甘遂其根皮赤肉白。作連味。實重者。良。稟天地陰寒之氣。以生。味蓋氣寒。而有毒。陰草也。苦性泄寒。勝熱水屬陰。故從其類。直達水氣所結之處。而泄毒之仲。景大陷胸湯用。

之以治水結胸也并元氣壯定而受濕熱積飲水腫蓋脹疝痲腹痛或仗祛除實為泄水之聖藥倘脾虛氣弱誤用泄之益虛其虛水雖暫去復腫必死慎之用後方治身而洪腫甘遂末二錢以雄猪腰子一枚分作十片入末在內濕紙包煨令熟每日服一片至四五服當覺腹鳴小便利是其效也一方治水腫以甘遂末塗腹遠臍內服甘草湯其腫使消二物相反而感應如神

甘遂與甘草反破癥結積聚如神退面目浮腫立效痰飲痞滿水結胸中並能毆逐蓋氣直透所結之處專於行水致決利從穀道而出大寔大水可暫用之但用斟酌切勿妄投攻逐極效則損真元亦極速也

○白芨得季秋之氣秉金水之性故味苦辛平微寒無毒辛為金味收為金氣苦能洩熱辛能散結故治敗疽死肌散結逐腐生新之要藥既能斂毒排膿生肌長肉又治打跌骨折酒調白芨末二錢服之其功不減於自然銅古錄錢也

白芨惟熬膏敷功專收斂然收中有散又能排膿去潰瘍敗疽死肌腐肉敷山根止衄塗疥瘡殺蟲古方有用以作丸治肺葉傷破出血亦能如潰疽長肉平滿耳

○白斂得金氣故味苦辛甘平微寒無毒苦則泄辛則散甘則緩寒則除熱故主敷散癰腫瘡疔火毒散結止痛之要藥也若癰疽已潰不宜服以其性寒也

白斂反烏頭散結氣止痛治女子陰腫乃係外科要藥敷背癰疔腫神丹

白頭翁味苦辛寒無毒辛能散苦能泄寒能除熱所以外治溫瘧寒熱瘰癧諸瘡內治毒痢牙疼鼻衄諸血皆平散除熱之功也

白頭翁主溫瘧陽狂寒熱癥瘕積聚腹疼逐血愈金瘡毆風暖腰膝消瘰癧瘰癧小兒頭禿纏腥兩鼻衄血神效男子陰疝偏腫百節骨痛殊功赤毒痢必用牙齒疼亦除塗疔腫癰症圍毒氣散漫

商陸 味辛性平有大毒入脾行水有排山倒岳之勢腎弱者禁之赤者搗爛入麝貼臍即能利小便消腫若脾虛誤用消後復作不可救矣

商陸其性下行通大小腸腫滿小便不利者殊功。痲痺如石者亦效。白根可用。赤者殺人。白專

利水。赤惟貼腫並臻奇功。

王不留行 稟土金火之氣故味苦辛甘平氣溫無毒苦能洩辛能散甘入血溫能行故主金瘡止血癰疽惡瘡諸症

王不留行。主金瘡止血逐痛。善通乳。催產調經。除風痺。風痲內寒。消乳癰。背癰外腫。但孕婦勿

服。

按王不留行。喻其走而不守。雖有王命不能留其行也。古云穿山甲。王不留。婦人服。子乳常

流。乃行血之力也。失血崩漏。孕婦忌服。

靈芝草

靈芝草色分六品。味應五行。青芝應木。專補肝氣。興仁恕。強志明。眼目安魂。赤芝應火。善

養心神。增智慧。不忘。開胸膈。除結。白芝應金。益肺定魄。止咳逆。潤皮毛。黑芝應水。益腎。啟

癰利。二便通。九竅。黃芝與黃金類。嵩嶽山多紫芝。應土。咸逐邪。益脾。堅骨。健筋。悅顏。駐色。六

芝俱主祥瑞。夜視光彩。映人。燒不焦。藏不朽。久服延壽。常帶辟兵。世所難求。醫絕不用。但附其

說。俾識其詳。

早蓮草 一名鰓腸又名金陵草。稟北方坎水之氣。故汁玄黑。其味甘酸。平而無毒。純陰之

傳之立已。齒不固者。擦之能安。皆涼血益血之驗也。

旱蓮草染白髮回烏。止赤痢變糞。鬚眉稀少。可望速生。而繁。火瘡發紅。能使流血立已。但性冷。陰寒之質。雖善涼血。不益脾胃。若不同薑汁。椒紅相兼。修服者。必腹痛作瀉。攝生家妙方。取旱蓮草根一斤。無灰酒淨洗。青鹽四兩。醃三宿。同汁入油鍋中炒。存性研末。日用擦牙。連津嚥之。能烏鬚固齒。

甘蕉根 稟地中至陰之氣。以生。故味甘。氣大寒。無毒。入足陽明經。凡膏末之變。發為癰腫。胃強脾弱。及陰分腫毒。則大寒之性。亦宜慎之。

甘蕉根 出川蜀閩廣結子者。是非近處巴蕉也。絞汁服。主天行狂熱。悶煩。誤服金石燥渴。產後脹悶。奇效。悉採搗

爛敷。去小兒赤遊丹毒。大人發背癰疽。風疹頭瘡。神功立應。蕉油煩渴。飲瘥鬚髮塗黑。暗風

癩悶。暈欲倒。急飲下一吐便甦。子可作果食。每蒸熟取仁潤心。肺生津通血脉。填髓。芭蕉

根性雖相類。醫方不載。拯疴。但汲其油。亦能黑髮。

金星草

金星草解毒消腫。專理外科。凡百初起惡瘡。但諸未潰。陽毒沿頸。瘰癧發背。癰疽或剝者。酒服

或研末酒吞。或煎汁洗。或搗爛敷。並建神效。根搗真麻油塗頭。大生毛髮。

佛耳草

佛耳草。俗呼黃蒿。人每採搗和米粉作探。柔軟香美。夾藥晒乾。以欸冬為使。治寒嗽及痰。尤去

肺寒。大升肺氣。切勿通服。損目失明。

佛耳草。俗呼黃蒿。人每採搗和米粉作探。柔軟香美。夾藥晒乾。以欸冬為使。治寒嗽及痰。尤去

肺寒。大升肺氣。切勿通服。損目失明。

○燈籠草

燈籠草專主熱嗽。蓋因苦而除燥熱。輕能治上焦故也。丹溪云。燈籠草治熱痰嗽。佛耳草治寒痰嗽。

三百草

三百草利大小便。逐脚膝氣。除痞滿。去瘧。破堅癖。毆疫。疔腫仍消。積聚尤卻。

蛇含草

蛇含草除心腹邪氣。濕痺疽痔。鼠瘻惡瘡。蛇蝎蜂螫。又用搗爛成膏。堪續已斷手指。根名女菁。研末帶之。則疫瘡不犯。主蠱毒。而逐邪惡。殺鬼魅。以辟不祥。

水紅草

水紅草能感金水之氣而兼有土故味辛惟冷無毒辛能散寒能洩所以下水解毒消渴除痺去熱明目之用也水紅草即天蓼。去痺氣。除惡瘡。下水氣。解消渴。去熱。明目。奇效。咸臻。

山茨菇

山茨菇味辛能散結氣寒能瀉熱故主散熱消結為癰腫瘡癤癰癰核醋磨外敷之要藥亦可內服總為解毒散結之方山茨菇根生搗為拔毒敷藥。頻換則靈。焙研合玉樞神丹。必資作主。消癰疽。無名疔腫。散癰疹。

有毒惡瘡。蛇虺咬傷。癰癰結核。功能散熱消結。故並服神效。但性寒冷。不待過服。

○萱草

萱草令人忘憂。絞汁嚥下。治沙淋。小便澀痛。花名宜男。孕佩生男。

菰根

菰根江南呼為菱草。四時採根搗爛絞汁解渴而利小便。除煩而清胃熱。久浮水面者燒灰用雞清調敷。延片火灼瘡愈。菰菜即春生茭筍煮食。治心腹卒疼。須防滑中。不宜多食。

芋根得土之中氣而兼陰寒故味甘氣寒無毒  
故治赤丹大渴胎漏皆涼血除熱之功也

芋根搗敷小兒赤遊丹毒及癰疽發背乳房煎療女人胎動不安并產前後發熱煩悶塞胎漏下血。署箭毒蛇傷時疫大渴狂叫非此莫却。金石服多燥熱飲下立除。

### 羊蹄根

羊蹄根用根醋摩善走血分小兒頭禿疥癩女人陰蝕侵淫殺蟲去痔疽除熱治風癬或採多熬膏和蜜或防風研末和丸。枯樓甘草酒吞治前諸症尤妙。葉作菜茹追小兒疳蟲。子溫

苦平止赤白雜痢。

芫花味苦溫有毒入脾肺腎三經性反甘草同大戟甘遂能直達水飲窠巢隱癖之處然  
毒行至緊外連皮毛內洩腸胃取效極捷虛人誤用多致夭折

芫花有小毒反甘草散皮膚水腫發浮消胸膈痰冰善唾咳逆上氣能止咽腫短氣可安。歐疔瘰癧除鬼瘡蟲毒汁漬絲線繫痔易落久服不宜令人虛損。根名蜀桑尤毒止可毒魚敷疥。

### 芫花

芫花猛力行水破積聚大堅瘕癥頑痰咳逆上氣更治咽喉內腫痛消臍腹下痞癖氣塊。

### 鳧茨

鳧茨俗名葶藶。主產後血悶攻心。理產難子胞不下。壓丹石。除胸膈痞氣。下石淋。退面目黃疸。風腫能消痺。熱堪却開胃進食。益氣溫中。性善毀銅着之。即碎為消堅。削積要藥。孕婦食動胎。小兒食臍痛。

○ 水萍 專得水氣之清陰。故味辛酸。氣寒無毒。其體輕浮。其性清燥。故能散皮膚之濕熱。而下水勝酒消渴。發汗之需也。

水萍背。面俱青。而小者名藻。面青背紫。而大者為萍。及藥用。薄皮五月半。採置篩架。水晒乾。研末。蜜丸。彈大。一切攤風。中風。空心酒服。三丸。發汗。驟來。毆風。速退。仍隨時行。熱病。堪浴。遍身瘡癢。消水腫。利小便。發汗。力比麻黃。下水功同。通草。苟非大實。大熱。喪虛。自汗者。勿用。歌云。天生靈草。無根。幹不在山。間不在岸。始因飛絮。逐東風。紫背青皮。飄水面。神仙一味。去沉疴。採時。須在七月。半怕甚。癱風。與大風。些小。微風。都不算。豆淋酒。內服。三九。鐵鏝頭。上也出汗。

貫衆 味苦微寒。有小毒。寒能泄熱。苦能殺蟲。故治腹中邪熱。諸毒。諸蟲。濕熱所生之病也。疫氣時行。以此置水中。令人飲之。則不傳染。

貫衆殺三蟲。毆諸毒。破癥瘕。除邪熱。產後崩淋。金瘡鼻血。

蚤休 味苦寒。入肝經。

蚤休一名金線。重樓一名紫河車草。其根似肥薑。治驚癇。搖頭弄舌。濕熱發腫。作瘡。下三蟲。解百毒。或摩酒飲。或摩醋敷。古人歌云。七葉一枝花。深山是我家。癰疽如過此。一似手拈拏。觀此則善治癰毒之功可知矣。

蘭茹 味鹹辛。寒有毒。

蘭茹其黑如漆故又云漆頭去惡血治癰疽作散頻敷肉滿便止破癥瘕殺疥蟲逐敗瘡死肌除大風熱氣又草蘭其根色白主治相同

衛矛

衛矛一名鬼箭羽任煎湯液專治女科能墮妊娠善療血氣遣邪崇殺蟲毒破癥結通月經腹滿汗出立瘳崩中下漏即止消皮膚風腫去腹臍白蟲產後血絞肚痛殊功惡症卒暴心痛捷效

羊躑躅

味辛溫有大毒性極發散能祛諸風寒濕故善治惡痺然非元氣壯實何能當此毒藥必同安胃和氣血藥用乃可故曰氣血虛人息之不可近眼

羊躑躅又名黃杜鵑主風濕藏肌肉裏澱澱痺麻治賊風在皮膚中淫淫掣痛鬼症蟲毒並治

溫瘧惡毒齊

藜蘆稟火金之氣以生故味苦辛微寒有毒苦為瀉劑故使邪氣痰熱胸膈部分之病悉不入湯惟中蟲毒惡氣胸有痰飲者借此上涌宜吐之力獲效一時否則徒令人胸中悶亂吐逆不止大傷津液戒之

藜蘆反五參細辛芍藥惟作散用不可煎湯吐上膈風涎治暗風癩病主頭禿疥瘍療腸癖瀉痢殺諸蟲愈毒去死肌愈惡癰喉痺不通風痰上壅亦能醫馬塗癬并殺馬刀爛瘡

莨菪子

莨菪子又名天仙子有毒主風癩顛狂濕痺拘急助足健行理齒蛀蝕久服輕身走及飛馬炒熟有益生則瀉人別說云煮一二日尚入土萌芽用者宜審也



續隨子

又名千金子又名拒冬實味辛氣溫有毒辛溫之性以功積聚服滿痰飲諸滯以毒攻毒以祛蠱毒鬼疰諸邪乃攻擊剋伐之樂也凡元氣虛脾胃弱大便不固者

禁用以油入藥

續隨子治一切宿滯積聚。敷諸般疥癬惡瘡。逐水利大小二腸。散氣除心腹脹痛。毆蟲毒鬼疰。消瘰癧癥。癥通月經。痰飲不可過服。防毒損人。

萆撥

萆撥消宿食下氣除胃冷溫中。瘰癧陰疝痛立毆。霍亂冷氣痰並却。禁水洩虛痢止嘔逆。醋心得薑訶參桂為丸。治臟腑虛冷。腸鳴洩痢神效。久服損目。走洩真陽。

鬼臼

得地之金氣而性復陰沉是以辛溫有毒乃陰草也以類相從凡陰邪為害父此陰草之異品除之更能去目翳喉結亦辛散之功耳味甘以桂苦者稍劣

乾苔

乾苔即處處地面青苔。療心腹悶煩。研調水飲。治霍亂嘔吐。採煎汁嘗發諸般瘡疥殺蟲。下一切丹石去毒。但服不可過劑。令人少血痿黃。生老屋上名屋遊。利膀胱吊氣及浮熱在皮膚。

間。生古牆側垣。衣為名。主黃疸心煩。致暴熱攻脇胃內。生水石面名步。釐止洩痢。強胃氣。

消穀溫中。生土牆頭名土馬。駿涼骨蒸。止鼻衄。敗毒毆熱。生井底名井苔。療水腫漆瘡熱。

瘡。生船底名船苔。治五淋鼻洪吐血。生山石名昔邪。去兒時熱驚癇。生瓦溝名瓦松通。

女人經絡閉澀。

鬼督郵

鬼督郵主鬼疰卒忤中惡及百精毒去温瘧時行疫癘併心腹邪強脚胫益腎力腿腰諸疾並可毆除今人每以徐長卿代差混殊甚

蜀葵

蜀葵須分三種紅葵花治赤帶赤痢如神血燥兼治白葵花毆白帶白痢速效氣燥亦毆子能催生墮胎療淋澀水脛下胞夜通乳汁一切瘡癬疥癰研末敷之黃蜀葵花各種催生產尤靈敷金瘡更驗子炒研調酒亦催產捷方

大青稟至陰之氣故味苦氣大寒無毒專治大行熱毒頭痛口瘡

大青仲景書內每每擅名傷寒熱毒發斑有大青四物湯飲效傷寒身強脊痛有大青葛根湯服靈又單味大青湯煎治傷寒黃汗黃疸天行時疫尤多用之仍晉腫癰且解煩渴若脾弱虛寒者勿服小青異種土人用治癰瘡取葉生搗敷上

王瓜稟土中清肅陰寒之氣故味苦氣寒無毒而除濕熱熱毒

王瓜一名土瓜根子兩用治小便遺溺不禁潤心肺解蟲毒卻黃病黃疸用子宜生療下利赤白雜來毆腸風除肺痿止血溢血治用子須炒根搗汁去小兒閃癖痞滿及天行熱疾發狂痰瘧暴生並取服效惟少為奇多則吐下根煎湯服破婦人血瘕堅癥併撲損瘀血作痛乳汁不下俱當飲之過多不妙仍逐骨節中伏水更消頂頸上癭瘡去濕痺痠疼散癰疽焮腫通經墮

孕。益氣愈聾。

○。草麻子。得土金之氣。故其味甘辛。氣平。有小毒。其力長於此。吸故拔病。氣出外。自膿取。盡能出。有形之滯物。又能通利。開竅。故口喝。腐挺尸。症瘡。痒惡。氣取油。外塗。俱效。但

既能吸氣。又能通竅。且體質多油。而有毒。凡脾胃薄弱。大腸不固之人。慎勿輕用。服餌。凡服草麻子者。一生不得食豆。犯之必脹。死其油。能伏丹砂。輕粉。取草麻油。法用

草麻仁。五升。搗爛。以水一斗。煮之。沫浮於湯面。即做起。待沫盡。乃止。去水。以沫煎至點燈。不炸。滴水不散。為度。

草麻子。數無名腫毒。吸出有形滯物。刺骨立起。膿血盡。追塗口。眼喝斜。即牽正。後元一效。即去。久則反損。塗足心。下胎。季子胞。塗巔頂。收生腸。肛脫。通利開竅。勿輕服餌。

草麻子。去殼。同紫背天葵等分。清水入砂器中。煮半日。空腹時。與病人嚼下。自十五枚。至念

一枚。瘰癧。久久自消。一人病偏風。手足不舉。用此油。同羊脂。麝香。鱖鯉甲等藥。煎作摩膏。

日摩數次。一月餘。漸復。兼服搜風養血化痰之劑。三月而愈。一人病手臂一塊腫痛。亦用草

麻搗膏貼之。一夜全愈。一婦產後。子腸不收。搗仁貼其丹田。一夜而上。此藥外用。累奏奇

功。但內服不可輕率耳。又方治口眼喝斜。草麻子仁搗膏。左貼右。右貼左。即正。正即否之

否則反害。又婦人良方。亦治前證。用草麻子仁。七粒。研作餅。右喝安在左手心。左喝安

在右手心。知以銅盂盛熱水。坐藥上。冷即換。五六次。即正也。風氣頭痛。不可忍者。乳香草

麻仁。食鹽等分。搗餅。隨左右貼太陽穴。解髮出氣。即止。又方草麻仁。半兩。棗肉十五枚。搗

塗紙上。捲筒。插入鼻中。下清水涕。頭痛即止。又方治鼻塞不通。用草麻仁三十粒。大棗去

皮一枚。搗勻。綿裹塞之。一日一易。三十日。聞香臭也。一方治舌上出血。用草麻子油。紙捲

燒烟薰鼻中自止。一方治舌脹塞口。用單麻子仁四十粒去殼。研油塗紙上。作捲燒烟薰之。未退再薰。以愈為度。有人舌腫出口外。一村人用此法而愈。急喉痺。牙關緊急不通。以單麻子仁研爛。紙捲作筒。燒烟薰吸即通。或只取油作搽尤妙。名聖烟筒。一方催生下胞。用單麻子七粒去殼。研膏塗脚心。若胎及夜下。便速洗去。不爾則子腸出。即以此膏塗頂。腸自入也。一方難產。取單麻子十四粒。每手各握七枚。須臾立下也。一方子宮脫下。用單麻仁枯礬等分為末。安紙上托入。仍以單麻仁十四粒研膏塗頂心。即入。又治盤腸生產。塗頂方同上。一方治一切腫毒痛不可忍。用單麻子搗敷即止也。

狼毒

狼毒破積聚。瘦癥瘕。去惡瘡。鼠瘻。疽癰。逐咳逆上氣。殺蟲毒鬼精。走獸飛禽亦堪殺害。

預知子

感陰寒之氣以生。故味辛氣寒。無毒。凡蟲毒多辛熱之物所造。故宜苦寒以泄其熱。毒熱既解。則蟲不靈矣。何況濕熱所生之虫乎。此草中之有靈性者。故又名仙詔子。聖知子。聖先子。蜀人貴重亦云。難得。以二枚綴衣領上。遇蟲物則聞有聲。當使知之。有皮殼其寔如皂莢。子入藥去皮。研服其根。味苦性極冷。其效更速。山民目為聖無憂。冬月採陰乾。石白搗。夫水煎服之。神治蟲毒中惡。天行溫疾。止煩悶。利小便。傳一切蛇蟲蠱傷。

預知子服須去皮。研細湯下。殺蟲誅蠱。諸毒並毆。但苦寒能利。凡病人脾虛作瀉者勿服。根

搗水煎獲效尤速

預知子丸治心氣不足。精神恍惚。言語錯妄。驚悸煩鬱。憂愁慘戚。善怒多恐。健忘少睡。夜多異夢。寤即驚。或發狂暴。眩不知人。並宜服此。預知子去皮。白茯苓。枸杞子。石菖蒲。茯神。枳寔。人參。地骨皮。遠志。山藥。黃精。丹砂等分。為末。煉蜜丸。芩寔。大每嚼一丸。人參湯下。

防葵

防葵主膀胱熱結尿溺不通。治鬼瘡癩癩驚邪狂走。疰瘕腸泄。堪理小腹。支滿能眩。強志除腎邪。益氣堅筋骨。血氣瘤大如椀。摩醋塗上即消。中火者不可服。今恍惚如見鬼狀。

百花草

百草花主百病長生。神仙亦煮花汁。釀酒服之。異類云鳳剛者。漁陽人也。常採百花草水漬封泥埋之。百日煎為丸。卒死者納口中。即活。胡剛服藥百餘歲。入地肺山列仙傳云。堯時赤松子服之得仙。

按百草花當取羣草中之芳烈者。大都百花必在春時。春者天地發生萬物之氣也。花者華也。因得天地發生之和氣。抽其精英而為花。故主百病長生。神仙亦煮花汁釀酒服。昔有採百花草水漬泥封埋之。百日煎為丸。卒死者納口中。即活。其功可驗矣。

馬勃感土金之氣而生。故味辛。氣平。無毒。宜其主惡瘡。馬疥。凍瘡。喉痺。久嗽。皆辛散之功也。

馬勃主惡瘡馬疥。走馬喉痺。止久嗽。愈凍瘡。云馬屁勃者。即煨有性成灰也。

烏爹泥

烏爹泥一名孩兒茶出雲南暮雲楊地方。造之本是細茶末。入竹筒中。埋烏泥溝中。日久取出。搗汁熬製而成。潤澤者為上。焦枯者次之。故味苦。瀘氣寒無毒。其主清上膈熱。化痰生津者。茶之用也。本是茶末。又得土中之陰氣。能涼血清熱。故主金瘡止血。及一切諸瘡。生肌定痛也。且苦能

燥。瀋能斂。故又主滲濕收斂也。

藪

藪俗名魚腥草生於下濕之地。得陰中之陽。故其味辛氣溫。入手太陰經。能治痰熱壅肺。發為肺癰。

吐膿血之要藥。然肺主氣。辛溫能散氣。故多食令人氣喘也。肺與大腸為表裏。大腸濕熱盛。則為痔瘡。用此煎湯薰洗。仍以渣敷患處。則濕熱之氣散而自愈矣。故又為痔瘡必用之藥。

樟腦

樟腦得純陽之氣。其味辛。其氣熱。初時以水煎成。後得火則焰熾不息。其稟龍火之性者乎。氣亦香。竄能通利關節。逐中惡邪氣。復能去濕殺蟲。燒烟薰衣席。辟壁虱。蛀蟲。為末踏足心。療寒濕脚氣。凡一切疥癬膿窠。風瘙濕毒。瘡瘍外用之藥。所必需者也。

木芙蓉

木芙蓉稟夏末秋初之氣。故其味辛辛屬金。化故能清肺。其氣平平即涼也。故能涼血散熱。解毒。專治一切癰疽腫毒。惡瘡。排膿止痛。其花陰乾。治小兒疳積如神。凡癰疽腫毒。重陽前取芙蓉葉陰乾研末。端午前取蒼耳燒存性。等分研末。蜜水調塗四圍。其毒自不走散。名鐵井欄。最妙。

烟草

烟草閩產者佳。辛溫有毒。治風寒濕痺。行滯氣。停痰。辟山嵐瘴霧。洗膿窠疥蟲。人以代酒。代茶。

終身不厭厭則病來嗜則病愈醒能使醉醉能使醒其氣入口頃刻而周一身令人遍體俱扶  
似乎通氣血而揚榮衛者矣故一名然火氣薰灼耗血傷神故禁寒散熱則有功若火症陰虧  
者所宜禁也